

張

動

機

史



張勳肖像

## 叙言

粵自明季失祚，滿清入關，主宰中夏，垂二百餘年之久，剝漢人之脂膏，供旗民之揮霍，養尊處優，高爵厚祿，號稱八旗之勁旅者，遂安逸而怠生，不識之間，致被漢族所同化。至于末業，慈禧聽政，權貴用事，賄祿苞苴，綱紀蕩然，強鄰四逼，國將不國。於是孫黃抱民主之宗旨，倡排滿之偉論，致有同盟會之設立。康梁主帝國之政策，謀君憲之施行，亦有保皇黨之組織。兩派旗鼓相當，各謀進行。康梁政策，午戌一蹶而不振。孫黃宗旨，至辛亥而成功。鄂舉義旗，各省響應，未及三月，清室遜位。大好山河，還我漢族。當此機會，謀根本之解決，剷滿清之積弊，打破官僚政治，開誠布公，共謀建設。於茲六載，民國基業，當有可觀者。獨是怪傑項城，假借清室，竊權弄柄，示威漢陽，壓迫民意。

南方政客、矜憫小民、望治情殷、故對於清庭、多所遷就、遂有優待條件、孫文退職之舉、姑息養奸、禍機隱伏、其失策孰有過於此者、袁氏當國、倒行逆施、未及兩載、奸謀畢露、乃惹起二次之革命、至黨人失敗、袁氏益肆無忌憚、遍布黨羽、解散國會、迨至四年、至有籌安會之發現、勸進稱臣、改元洪憲、滇舉義旗、會師北伐、袁氏因之喪沮、民國賴以復蘇、黎黃陂以仁厚當國、吾民方慶國基鞏固、幸福可期、孰意內政未修、外交相尋、主戰者欲挽坐以待斃之國家、不惜孤注一擲、反對者則擬假外交以推倒內閣、爭持不已、致有公民團圍攻議院之暴動、經此擾攘、府院齟齬、段氏致被免職、各省因而獨立、執兵秣馬、兵臨城下、雙方不肯以兵戈自殺、致許張勳帶兵入京、調停政局、我國民復期張勳入都、紛爭立止、國會解散、各省罷兵、自茲以往、可

以相安有日矣、更孰意張勳存心逆謀、妄行復辟、未及兩旬、龍旗招展、上諭煌煌、復蘇之民國、至此又亡、已覆之滿清、死灰復燃、真也天道無常、人心不死、段公誓師馬廠、各省景從、義師雲集燕京、張勳負固不服、致演街巷之慘戰、卒至辦軍敗潰、張逆逃亡、黃陂辭職、河間就任、說者謂國體經兩次之變革、帝制之禍根、從此剷除淨盡矣、黨爭之貽害、自茲覺悟矣、乃數日以來、又傳滇粵之警電、紛爭不已、將何爲國、後事難期、茲不具論、今則痛定思痛、回溯民國六年以來、變亂相尋、人民之幸福未獲、兵匪之驚擾飽受、推厥原因、不能不謂官僚民黨、均皆不顧大體之所至、然其尤荒謬絕倫、世無其匹者、則莫於張勳若、語云國家將亡、必有妖孽、史乘所載、代不乏人、張勳者、殆民國之妖孽也、國人皆知妖孽張勳之姓名、而多不知妖孽張勳之

歷史、並其所以能成妖孽之憑藉、友人告余、書而出之、以供國人之指誅、特倉猝執筆、事實詞句、多所簡陋、海內君子、幸補潤焉、是爲叙、

著者識



# 張勳穢史目次

## 第一章 幼年時代

第一節 其出生里居及國勢

第二節 生長情況及備賤役

## 第二章 廣西從軍時代

第一節 充當差官

第二節 升充親兵什長

## 第三章 隸屬表項城時代

第一節 小站投效及從項城赴魯

第二節 結納李蓮英

第三節 口北剿匪之慘殺

目次

目次

第四節 奉直之統兵

第四章 會辦江防時代

第一節 南京之被圍

第二節 誓師蠻戰

第三節 狼狽逃走

第五章 盤踞徐州時代

第一節 廣募辦兵

第二節 賣官庇奸

第三節 廣召姬妾嬰童及其家庭之濫

第六章 二次革命時代

第一節 縱兵三日



第二節 使館謝罪及中外排斥

第七章 洪憲時代

第一節 反對袁氏稱帝之別抱

第八章 民國復活時代

第一節 干涉國會及徐州會議

第二節 請定國教及自稱武舉人

第三節 暗通宗社黨

第九章 各省兵諫時代

第一節 欺罔督軍團

第二節 愚弄李經羲

第十章 奉令入都時代

第一節 留津之要挾

第二節 電請各省取消獨立

第三節 復辟之遠因

第四節 復辟之近因

第五節 復辟之景象（附上諭全份）

第六節 討逆軍之聲勢

第七節 兩軍之鏖戰及辦兵之潰敗

第八節 辦軍之處置及逆黨之嚴拿

第九節 大局之結束

# 張勳穢史

## 第一章 幼年時代

### 第一節 其初生里居及國勢

張勳字紹軒。江西省南昌府奉新縣人。現年六十四歲。前清咸豐四年十月二十五日生于該縣之鄉村。其時也。正英法伸約構難。太平天國方盛時代。外交失敗。五口洞開。內地不靖。捻匪遍起。長江上下游以及沿海各省。均大遭捻匪洋兵之擾。秩序紛紛。人心搖動。值此內憂外患。舉國騷然之秋。而犬豚之妖孽。乃在我中原大陸呱呱啼其第一聲矣。

### 第二節 生長情況及傭賤役

張勳之生也。身體矮短。面黃疾瘦。庸庸平平。毫無異于常人。惟眉長寸許。聲音響。秉性躁暴。最好游動。與人不同。其父母及兄長。本市井細民。爲人傭農工。



家境蕭條。糊口爲艱。勳遂失教養。家庭既缺教育。學塾亦無力課讀。以致遺悞終身。目不識丁。然勳秉性亦頗伶俐。惟惡習相染。蠻橫非常。羣兒共戲。每爲所屈。迨年長十八九歲。尙無正業。其父母遂送其至同鄉閔少窗。（前清資政院議員大名府知府）家傭小工牧牛。後又爲其覓一糧店。充當廚伙。未及終歲。致被驅逐。旋從某宦者赴漢口。充廚房買辦。旋又充漢口某鴉片煙館夥友。供燃燈挖斗之下役。在漢居住日久。所有該處暗娼下戶。伊常相出入。故每爲煙客作媒合事。伊復從中漁利。人皆喜而不知。勳性嗜賭博。傭工有年。一錢未蓄。復因生性蠻橫。常與同夥齟齬。卒至人人銜恨。致被革斥。

## 第二章 廣西從軍時代

### 第一節 充當差官

勳被煙館斥退後。因而失業。遊蕩街市。形同乞丐。且日不謀一餐。大有轉入溝

壑之勢。後遇相識之煙客。長跪求救。遂諛得荐函。討食至廣西。投役於許督鎮。璋未幾復投於廣西提督蘇元春之門。蘇宮保見勳性尚不痴。遂派在上房聽差。勳亦善體主人意。以致頗蒙蘇氏青眼。勳朝夕不離主人左右。見景生情。無微不至。蘇氏遂爲勳所迷惑。大有時刻不能離勳之勢矣。

### 第二節 升充親兵什長

勳既得蘇氏青垂。提署上下人員。致多與其交納。一則援其進言。一則防其入讒。因此呼朋結友。知己甚多。提署幕僚。多有在蘇氏前言張勳之材可用者。蘇氏允之。適親兵什長出缺。遂派勳補充。勳離開蘇氏左右。器小易盈。遂串通內外。妄作非爲。嫖賭尅餉。毫無顧及。聲名狼籍。人言嘖嘖。事爲蘇氏所聞。查察確實。未及撤勳差。勳卽從賬房竊銀五十兩。逃出廣西矣。

### 第三章 隸屬袁項城時代

第一節 小站投效及從項城赴魯

勳由廣西竊款逃走。遂潛亡北洋。至小站。投效于項城之門。並私捏蘇元春之荐函。袁與蘇本無交誼。然頗知蘇名。得函後。派勳充中軍官差。事後勳函告蘇氏。蘇以事成不說。乃致書謝袁。而蘇袁亦由此親密。勳從袁多年。頗博項城歡心。適小站新募土伏營一營（似今日之工程隊）項城委勳充該營統領。管帶土伏全營。勳馭下頗嚴。土伏營之秩序亦甚整肅。至是項城遂識勳確有統將之材。益器重之。迨項城撫魯。勳亦從之駐魯。得充親兵營副將。庚子拳匪起。自山東。項城知該匪烏合仇外。將惹交涉。遂派勳等統北洋新軍。剿除淨盡。嗣拳匪鬩起。他省皆遭蹂躪。獨山東居民外人。一無傷損。事後項城頗爲中外所稱揚。而張勳亦因此蒙項城摺奏加獎矣。旋李鴻章薨。項城督直。張勳復從項城蒞津。統帶武衛親軍矣。

## 第二節 結納李蓮英

吾國人民不明外情。庚子以還。排外之風大熾。大江以北。遍起義和拳匪。前清官吏。多不知鎮壓。反縱容獎勵。焚燬教堂。殺戮教民。德國公使。日本書記。均遭慘斃。致惹起八國聯軍之禍。北京陷落。兩宮西狩。迨北京約成。各國撤退軍隊。交還地面。項遂派張勳等統武衛右軍。保護宮禁。二十八年冬。兩宮回鸞。勳仍統兵保衛皇城。時太監李蓮英。頗得太后眷寵。勳遂設法夤緣李蓮英。求其在太后前吹噓保護宮禁之功。太后乃賞勳提督銜。授總兵。旋四川總兵出缺。勳又賄李求援。太后與李固言聽計從者。遂派勳補授四川總兵實缺矣。

## 第三節 口北剿匪之慘殺

張勳升授四川總兵。離項城有年。適光緒二十九年。有口北馬賊頭目蕭三者。率口外馬賊。招聚董福祥散勇。號稱五六千名。搶掠衙署。攔截洋人。殺燒姦擄。

肆無忌憚。口北谷營。剿捕不利。項城素知四川總兵張勳强悍敢戰。遂電調來直。使統淮軍。出關討伐。勳固蠻性嗜殺。日以斬人爲快事。兵屯宣化後。邏旗四布。嚴拿盜匪。一經被獲。不加訊問。立即斬決。凡閱五月。斬獲首犯三百餘名。馬賊逃散。土匪斂跡。未非其功。惟土住良民。被盜匪挾嫌仇。盤不分皂白。遭滅門顯戮者。不知凡幾。據本地人云。張勳統兵口北時。街鄉小民。有以制錢一二文。賭博相戲。及縉穿小竊被斬者。亦不下百人。又凡經其殺戮之人。必懸首示衆。以故宣化至下花園六十里。沿大路樹株。及村堡門牆之上。人頭掛滿。殺人之多。有如此者。其生性嗜殺。真不愧爲張獻忠之後裔也。故報告肅清之後。頗有議其騷擾者。卒得項城庇護。亦未獲譴。

#### 第四節 奉直之統兵

項城督直。擴充軍隊。改良營制。迨光緒三十年。常備軍第一二三鎮。先後成軍。



三十一年三月。項城遵照新章。改武衛右軍爲第四鎮。至三十二年三月。項城復以淮軍巡防各營。尙仍舊制。遂奏請淘汰老弱。裁併改編。舊有前後中左右五路。計三十九營。一律改編。名曰北洋巡防淮軍。派提督夏辛酉及張勳統領之。張勳所部。遇事嗜殺好搶。人人皆知。惟勳蠻橫直率。頗得軍心。以其一長。是年夏。上諭派徐世昌督奉。徐請以北洋所屬陸軍之一部份。歸東三省調遣。以禦鬍匪。上諭交項城照辦。項城覆奏。由第二第四兩鎮抽調。編成一協。委參將王汝賢統帶。並派張勳隨徐氏至奉天。會辦軍務。旋又派勳充陝甘提督。未幾又調充江防營差。會辦江防軍務云。勳自入項城之門。得列仕版。位置既崇。識人亦多。北洋軍界要人。無不知勳名者。而勳亦自此漸露其頭角矣。

## 第六章 辦理江防時代

### 第一節 南京之被圍

前清自經捻匪及聯軍之亂後。繼之又不時有革命黨之出沒。故長江上下游。防務吃緊。清室遂派宿將提督姜桂題。督辦江防事務。並派張勳統領江防各營。充任會辦。旋姜桂題調升毅軍統領。張勳遂督帶江防各營。迨辛亥秋。鄂省革命軍起義。風聲所樹。未及月餘。各省響應。江蘇巡撫程德全。相距咫尺。亦從革命軍。樹旆反正。而兩江總督張人駿。江寧將軍銑良。皆無親信勁旅。復以三十三標徐固卿之陸軍。皆係新軍。萬難可靠。遂電至江北。召張勳入甯。勳帶江防營進據南京城。張銑遂委勳以全權。担任保護寧垣之責。並令徐固卿之陸軍。移駐城外。調江防營兵。駐紮城內。徐固卿固革命分子。知南京爲革命軍根據之地。勢在必爭。乃於夜間直撲雨花台。勳兵負險拒敵。以逸待勞。徐軍受挫。乃退守原地。徐軍無多。攻南京不下。遂傳檄各省。會師攻剿。未幾而七省出兵。公推程雪樓爲聯軍總司令。義師雲集。號稱數萬人。九月杪。遂將南京包圍。張

勳竟成釜魚之勢矣。

### 第二節 誓師蠻戰

聯軍既將南京城包圍。下令攻擊甚急。勳知孤軍被圍。難以久守。革軍入城。不能生還。所屬軍隊。又將有解體之虞。遂出詭計以激軍心。乃將其江防二十營軍隊調齊。自將上衣脫下。結髮辮於頂。赤背執鬼頭大刀。跪於全軍之前。揮淚求各兵丁死戰。(勳當日有衆位兄弟。幫俺老張一場。俺老張死亦甘心。倘若得勝。許你們姦掠三天。俺老張背盟。就是忘八蛋之蠻語。)該軍不明大義。遂爲蠻語所激動。齊聲願戰。乃整隊登城拒戰。雨花台天寶城獅子山。兩軍死亡山積。聯軍尤衆。張勳袒衣執揮。毫不屈懼。其蠻性可見一斑矣。

### 第三節 狼狽逃走

兩軍相持數日。終日炮火相向。人民生命。頗屬危險。美國善士馬林遂出任調

停。許張勳生逃。將南京全城讓予聯軍。聯軍體念居民。遂許之。張勳見其軍隊死亡大半。立將被擒。亦不敢再事稱蠻決鬥。乃于十月初三日夜。棄其愛妾小毛子。同張人駿鐵良等。由水西門逃亡徐州。初四日晨。聯軍入城。秋毫無犯。安民慰商。全城反正。張勳逃至徐州。檢點殘卒。僅餘四五百人。是役也。兩軍死者甚夥。居民商號損失亦鉅。皆由張勳愚忠清室。不明大義厲之堦也。

## 第七章 盤踞徐州時代

### 第一節 廣募辦兵

南京既下。未幾而共和告成。袁氏利用機會。攫取臨時總統之位。更復蓄存野心。謀成帝制。深恐南省不服。乃預設防禦之計。至張勳雖敗出南京。而張勳強橫蠻戰之威。人人聞知。不寒而慄。南人畏之尤甚。袁氏遂利用張勳。使其盤踞徐州。以箝制東南半壁。張勳亦利用袁氏。廣募軍隊。凡入伍兵丁。非有髮辮者。

不取。計其前後。共募六十餘營之多。其數致達三萬餘人之衆。其兵丁餉項。則較各師從優。徐淮一帶。土匪乞丐。盡入其幕。平日訓練。維不精密。然兵數既多。威勢日增。將驕兵悍。依然舊制。朝野皆聞其名。而畏其威。索餉要械。莫敢拒絕。訓練改編。抗不遵命。遂養成尾大不掉之勢。卽袁氏後欲制之。而不可得矣。

## 第二節 賣官庇奸

民國成立。袁氏當國。名器之濫。尤甚于前清。名爲破格任賢。實開援引私人之門。嘉禾文虎。日不停發。勳位進叙。滿紙公布。文官試驗。固爲拔取眞材之具。然許大吏保免。復開倖進之例。民國三四年。文官試驗。凡四次。保免知事計達三四千名。經張勳保免者。不上六七百人。政府不敢稍拂其意。無論合格與否。一律照准。一般胸無點墨之舊官僚。遂以徐州爲知事之市場。作官之捷徑。如蠅付糞。群携巨款。奔赴于張勳之門。張勳識此爲發財之機會。遂訂定價目。大批

薑售。收入賄款。不下數百萬之鉅。風聲所樹。招徠甚廣。各省之大小官吏。中央之顯卑政客。凡有貪婪受賄。違法殃民。事經發覺者。亦均羣趨于張氏之門。賄求包庇。倘得勳予援額。無不大事化小。小事化無。晉吉故事。其尤著者也。他如帝制餘孽。亦均保險于張勳。因之有名徐州張營爲捕逃藪者。故數年以來。張勳之富。不讓于前清之慶親王。京津滬漢之土地房產。公司銀行之股本存款。均不可以數計。查其鉅款之由來。除尅扣軍餉外。半皆由賣官庇奸得來也。

第三節 廣召姬妾嬖童及其家庭之濫

張勳之坐定徐州也。人呼之爲大帥。或曰老師。飛揚跋扈。無人敢觸其鋒芒。養尊處優。備極人欲。有五子四女。妻妾四房。亦云足矣。乃安逸思淫慾。復大發其犬豚之淫性。除南京釣魚巷名妓小毛子。已擄爲嬖妾外。廣買美女。日事宣淫。而無恥之孫某。(姑隱其名)遂以巨金買天津名伶王克琴。獻之張勳。孫某

借此遂攫一道員之職。又其每年十二月二十五日慶賀誕生之盛。不下前清慈禧之萬壽。屆期中央顯貴。各省大吏。以及前清皇室。或親身赴徐。或派遣代表。賚禮祝壽。以博大帥之歡心。更廣招京津男女優伶梅蘭芳劉喜奎等。堂會演劇。各等角色。均得獎賞。並有與其定秘密交。博得洋樓鉅金者。某年劉伶至徐演劇。張勳愛其色藝。欲納爲側寵。僅演一日。賚送三千金。劉伶窺破其用意。羞與爲伍。星夜逃出徐州。故劉伶演劇。不敢步出都門。此次張勳奉令入京。劉伶恐勳報復前嫌。致停演匿居六國飯店。旋又逃往天津矣。貪花愛柳。逢場作戲。固不減英雄之本色。獨張勳人間怪物。不特貪戀女色已也。更酷有龍陽君之癖。其在徐也。廣召鬻童十餘名。環事左右。每至夜間。則分班入值。終年如是。夜不虛度。年老色衰者。則委充各營官佐使去。所蓄姬妾。空房寡居。多與僕從勾通。伊明知之。毫不爲怪。說者謂張勳以前易後。倍入倍出。其生性穢淫。家庭

之濫。有不堪言狀者。此事人多知者。而難以言。余述其穢史。書而出之。雖污我乾淨筆。亦不得已事也。

第八章 二次革命時代

第一節 縱兵三日

袁氏存心逆謀。擬欲稱帝。故不惜破壞法律。摧殘民意。迨民國二年秋。宋案事起。奸謀畢露。民黨忍之無可再忍。遂挺而走險。急謀二次之革命。江西江蘇安徽廣東湖南四川等省。相繼獨立。舉兵討袁。而袁自殺。宋教仁後。知南方各省。必有反動。早經預爲防範。至討袁軍起。遂派李純段芝貴取江西。派龍濟光拒廣東。派雷振春張勳等攻江蘇。何海鳴在南京。以死力拒之。相持二十餘日之久。至九月一日。張勳許其軍隊攻破南京。縱兵三日。以雪辛亥之仇。辦兵各存入城。姦擄之心。爭先恐後。何海鳴以衆寡不抵。外無援軍。南京失守。張勳入城。



後。縱容兵丁。大掠商民。無一倖免。姦淫燒殺。備極慘酷。三日之間。錦綉輝煌之南京。竟成悲慘狼藉。目不忍觀之狀況。美國善士馬林。責張勳縱兵之非。張則云。報復辛亥被逐之仇。兩軍相爭。小民何辜。以被逐之往事。報復于商民。其荒謬野蠻慘無人道。可謂極矣。

## 第二節 使館謝罪及中外排斥

九月一日。辯兵攻破南京。大肆姦擄。致殃及池魚。殘害日本僑民三名。遂釀成重大之交涉。日使要求賠償損失。扶恤死者。嚴懲張勳。並鳴炮列隊。至日使館謝罪。往復協商。始克就緒。張勳遂靦顏如約。鳴砲列隊。至日使館謝罪矣。夫以蕭牆之爭。演同室操戈之慘。甚至波及僑民。傷鄰邦之友誼。貽外交之大羞。張勳之禍國殃民。分身碎骨。不蔽其辜。袁氏不但不懲制之。至九月四日。反任張勳爲江蘇都督。旅寓外人。見其慘忍蠻酷。容其居寓。生命財產。殊屬危險。遂列

入條款。要求政府。排勳去甯。蘇省商民。亦電陳慘狀。袁氏允外人之要求。又不敢以明令去之。遂出調虎離山之計。先任命張勳爲長江巡閱使。並令馮河間接江蘇都督職。勳知袁之用意。抗不移交。致馮張齟齬。後袁派段芝貴赴甯調停。許以重利。始去甯歸徐。其驕橫慘暴。有如此者。

## 第九章 洪憲時代

### 第一節 反對袁氏稱帝之別抱

袁氏帝制自爲。蓄謀甚久。楊度孫毓筠嚴復劉師培李燮和胡瑛等。于民國四年八月十五日。受意于袁。發起籌安會。昌言民主不適用於中國。非君主立憲無以救亡。周震勛欲辦治安會。以謀抵制。警廳則禁止之。籌安會得政府及軍警之保護。遂公言帝制。函電紛馳。假造民意。於是梁士詒又設立全國請願聯合會。至十二月。袁氏公布提前召集國民會議。各省均派代表勸進。計先後抵京。

之代表不下二千數百人。公民既已紛紛請願。各省官吏亦函請電勸。朱家寶首先稱臣。各省繼之。京師軍警要人亦先後呈請改定國體。以表示軍警之傾心。十二月十一日。開解決國體大會。計全國代表一千九百九十三人。一致贊成君憲。次日袁發申令承認接收帝位。改元洪憲。封爵改宮。並設大典籌備處。籌備登極事宜。五國公使之警告。識者之勸阻。黎段徐趙李梁湯蔡諸要人之反對。皆所不顧。不料好事多謀。霹靂一聲。滇省獨立。未幾貴州廣西廣東浙江陝西四川湖南等省。均舉義旗。袁氏見大勢已去。遂于三月二十二日宣布取消帝制。至五月而喪沮。當袁氏變更國體。帝制自爲也。派代表赴徐。勸勳贊成。許以高位重利。張勳甚不贊許。對使者曰。項城若能使宣統復辟。某願負東南半壁之資。若項城自作皇帝。某不贊成。不過項城待我甚厚。某不加干涉。任其辦理可也。按勳之言。非真忠于民國。而反對帝制也。不過恐項城稱帝之後。不

得施其宣統復辟之逆謀耳。項城帝制成熱之際。大封公侯伯子男五等之爵。無恥官僚。稱臣謝恩如朱家寶者。不勝枚舉。張勳被封侯爵。亦未謝恩。迨南方討袁。項城事敗。民國又將復活。勳則召集徐州會議。推戴項城。請命勤王。夫張勳所以如此反覆者。前在欲行復辟。後則反對民國。由此觀之。張勳任民國之統將六年以來。絕無一時承認民國也。

## 第十章 民國復活時代

### 第一節 干涉國會及徐州會議

當民國二年十月間。袁氏以二年來政治上屢受約法之障礙。特咨行衆議院提議增修。並于咨文中。指明應行修正者三條。附具理由。蓋袁氏專制性成。深感此三條不便于己。故附具理由。提出修正。意在使議員承其意旨。遵照議決耳。迨兩院合組之憲法會議。將大總統選舉法案議決宣布。袁爲不便于己。指

爲不合。袁更對於民國憲法。派員有所陳述。致被拒絕。遂欲假武人勢力。以解決之。特提出意見。通電各省軍民長官。其電文謂國民黨議員危害國家。顛覆政府。此次憲法起草。該黨人多。所擬憲法草案。妨害國家甚巨云云。並責令各長官。接電五日內。迅速電覆。以憑採擇。由是張勳回電。痛斥國會。請卽解散國民黨議員。並以蠻語。洞嚇國會。取消憲法草案。否則帶兵圍攻國會。至十一月初四日。袁氏遂解散國民黨議員。至十二月。張勳又痛詆國會。毫無成績。電請將殘餘議員。給資回籍。民國三年一月十日。袁遂發明令。解散國會。此張勳第一次干涉國會之情形也。迨袁氏喪沮。黃陂繼任。國會因亦復活。內閣與國會。政見不合。暗生齟齬。張勳恐民黨得志。不利於己。遂乘機電召各省軍民長官。各派代表來徐會議。各省代表。紛紛蒞徐。京師軍警長官。亦間有派代表與議者。報紙宣傳。謂其所議不外干涉國會及宣統復辟諸事。然其究竟。人多不知不

法會議。人多指摘。段合肥遂電勸解散。然散會未久。張勳卽痛詆議員之非。電請政府卽日解散國會。幸政府不爲所動。徐氏入都。調停政局。內閣國會嫌疑稍消。張勳欲乘無隙。事遂中止。此張勳第二次干涉國會之情形也。夫共和國家。三權鼎峙。各不相擾。軍人干政。卽世界例禁。張勳以目不識丁之武夫。輒行干涉國會。高讀法理。荒謬絕倫。不自慚愧。真無以復加矣。

## 第二節 請定國教及自稱武聖人

自赤十字軍戰後。政教分途。世界各國。已成不磨之法典。人民信教自由。亦均載之于憲章之中。吾國自古至今。從無政教之爭。頗爲歷史之光。國中雖有儒釋回道各教。然相沿日久。人各自信。亦無爭定國教之可言。獨一二武夫腐儒。別抱野心。另有圖謀。遂爭定國教。一般附和者流。不察眞象。妄事盲從。至民國元年。國會議定憲法。致起規定孔教爲國教之爭。經湯化龍力闢其非。謂孔教

之教字。係教育之教。非宗教之教。于是孔教之爭。得以少息。迨民國五年。國會復活。憲法從議。康有爲以中國之文豪。頗以文聖人自居。私懷教主之奢望。于是復倡規定孔教爲國教之論。更擬假武力以賞其願。遂至魯謁孔陵。並潛行赴徐。拜謁張勳。請其維持。許成功之後。推張勳爲武聖人。故得張勳之許可。遂通電各省長官。一致主張定孔教爲國教。復勾通國會無識議員。附和同聲。以致議憲大事。經久不決。會議場中。大起擊打。張勳本無知無識之武夫。經康逆之鼓簧。洋洋得意。儼然以武聖人自居。故民國三年。張勳有呈請恢復張天師襲號之事。此次妄行復辟。不前不後。又在致祭關岳之日。其以武聖人自居。絕非妄言也。夫張勳以目不識丁之武夫。至此又妄談孔子之道。其不自羞恥。荒謬絕倫。又可見其一班矣。

### 第三節 暗通宗社黨

前清遜位。民國告成。對於前清皇室。年給經費之外。又復規定優待條件。待遇亡國之君。可謂古無今有。備極優隆矣。五族一家。共謀幸福。曷非計之得者。乃一二亡國大夫。不明事理。愚忠清室。妄想非份。命名勤王。意圖恢復。致有宗社黨之組織。升允鐵良其尤著者也。該逆黨外則勾結蒙匪。日犯北邊。內則串通張勳。伺隙謀叛。政府予以優容。不加嚴緝。以待其醒悟。事隔六載之久。致有此。次復辟之舉。獨責政府。待其叛逆實現。方始誅討。致遭京師街巷戰爭之大騷擾。當復辟之前。徐州兵將。平居則髮辮後垂。入朝則補衣頂翎。服制不服。顯然叛逆。政府毫不過問。說者謂復辟之禍。實項城養成之。非過論也。

第十一章 各省兵諫時代

第一節 欺罔督軍團

民國五年冬。內務總長孫洪伊免職後。內閣與國會大起暗潮。迨中德斷絕國



交窺之外交情勢。勢不能不與德奧宣戰。內閣提出宣戰案。要求國會同意。而民黨議員。不審情勢。遂欲假外交以爲推倒內閣之利器。不予通過之聲。振蕩耳鼓。六年五月十日。衆議院開全院委員會。會議宣戰案。有吳光憲孫熙澤等。率多數公民團。麇集院外。要求通過。將有暴動之象。于是民黨議員。疑爲受內閣之指使。此後閣院之暗潮。日形激烈。幾至各不相能。大有非解散國會。即改組內閣之勢。五月二十三日。黃陂下令。免去段合肥國務總理及陸軍總長職。次日合肥遄歸天津。杜門謝客。不聞政治。未幾而皖浙奉直魯豫秦晉等十餘省。電達中央。謂黃陂受羣小愚弄。以二十三日之命令爲違法。限時收回成命。否則宣告獨立。與中央脫離關係。繼之乃會師豐台。直以兵諫。函電紛馳。風聲鶴唳。大局岌岌矣。茲將各省兵諫並黃陂勸阻各省獨立各電文。擇要錄之如左。

張作霖上大總統電 大總統鈞鑒國務總理段祺瑞免職人心皇駭舉國騷然當此危竊存亡之秋乃有此違法之命令萬一激成事變貽國家傾覆之憂不識政府有何把握能銷弭禍患以副我四百兆人民付託之重外交總長伍廷芳有日通電解釋約法並歷引民國元二三年辦理成案令爲先例是皆暴民專制所規定及不良政府之行爲其理由是否充足姑不具論我國家再造共和刷新政治豈能引以爲法轉相效尤方今外患方殷內憂孔亟禍機四伏險象環生段總理勞苦功高安危所繫秉鈞馭載中外欽崇大總統就職之日初亦倚若長城猶魚得水乃無端揮之使去儼若無足重輕何後先矛盾若是謂無陰謀家播弄其間其誰信之各省督軍以國是爲前提電請維持段內閣以維大局而僉壬之徒又復假軍人不應干政治之說以相鉗制殊不知此等言論係指己安己治

之國憲法既經成立軍人更有何詞我國憲法尙在研求軍人分屬國民豈有不容置喙之理總之陰謀構難朋比爲奸公府既實繁有徒兩院更不一而足大總統素稱仁厚易爲彼黨所欺迷其倒行逆施直欲以國家爲兒戲机隍至此不亡何待應請大總統毅然獨斷解散國會屏斥羣邪仍任命段總理組織內閣一面迅即改選議員以奠國基而鑒衆望中國幸甚作霖忝領軍民興亡有責執戈待命急不擇言如不蒙垂察惟有斷絕關係以謝天下維鑒亮之張作霖勘印

倪嗣冲上大總統電 大總統國務院副總統鈞鑒長江巡閱使兩廣巡閱使各省督軍省長承德府察哈爾綏遠都統龍華甯夏護軍使並轉各鎮守使各報館鈞鑒大總統蒞任以來羣小怙權擾亂政局國會議員乘機搆煽日事紛呶派別競爭權利攘奪正人則多方阻抑黨人則盡力疏

通以致賊私之案層見疊出幾乎政府一空所定憲法又係議院專制現象如此其何能國爲大局計爲小民計非籌解決之法不足以拯危亡世有救國之英傑乎嗣冲不敏願執鞭以隨其後矣自今日始與中央脫離關係合特奉聞倪嗣冲豐印

西安陳樹藩之電文 萬急北京大總統國務院南京副總統鈞鑒徐州張巡閱使南甯陸巡閱使各省督軍省長瓊州龍督辦張家口承德歸化都統並轉各護軍使各鎮守使各師長旅長均鑒民國紀元於今六載禍變相尋未有寧日今大總統繼任以來方冀以大公無我之誠心立經久不壞之基礎詎意羣陰搆難塞聰蔽明政局蟾蜍日演日劇外交問題關係存亡忽贊忽否有同兒戲苟快人之私圖雖亡國家亦所不惜制定憲法爲萬年根本大計乃國會議員不審國情但拘黨見天壇所草既已

不良今則變本加厲視前益烈苟一公布適成議會專制行政機關既無活動之餘地國家前途焉有發展之一日一再呈請不蒙採納忽於二十三、日由秘書廳發出違法之命令當以外交吃緊不宜牽動內政京津一帶何事戒嚴徒使全國震動羣情惶惑曾進忠言靜候後命乃遲逾數日僅覆空言是中央見絕於行省非行省自離於中央也日來警電迭傳人心益憤今茲不圖國將不國樹藩所擁護者共和所忠服者民國今元首違法於上國會專制於下強鄰眈視於外暴徒劫持於中共和將疾民國將傾扶持匡救責在軍人爲國家計爲地方計惟有與奉皖豫諸省取同一之行動自今日始與中央脫離關係倉卒陳言伏維亮察陳樹藩卅印

大總統通電全國 萬急南京馮副總統各省督軍省長徐州張巡閱使

廣東陸巡閱使承德都統張家口都統歸化都統龍華護軍使甯夏護軍使瓊龍督辦導河提督岳州吳司令南鄭鎮守使平陽鎮守使大同鎮守使多倫鎮守使懷慶歸德鎮守使南陽鎮守使天津鎮守使南京鎮守使南通鎮守使兗州鎮守使壽州鎮守使洮南鎮守使鳳凰廳鎮守使各報館鑒比來訛言朋與奸人互煽疆吏不察竟有誤據傳聞激爲橫決者曷勝駭異疆吏膺政府之寄屏藩邦國保乂閭閻上下相維休戚與共苟有疑竇寧不可剴切陳明乃竟同然一辭推波助浪貽禍所及豈可勝言元洪猥以頽年謬投艱局所以慨然不辭者原見喪亂之餘羣倫望治軍人皆腹心之寄總理尤患難之交方期牖戶之謀豈有堂廉之隔匝歲以來虛已以聽縱府院議政持論偶殊卒無不降心相從和衷共濟每謂芝泉剛介之性實爲元洪直諒之資國交猝絕政變迭生閣員內睽國會外偪

改組之聲再接再厲私心耿耿詎忍謂然顧維護調停苦無良策誠恐爭持日久荆棘日深壹意孤行羣呶四起臨崖而返則威信全墮越軌以趨則綱維盡抉必陷芝泉困難之地轉違元洪愛護之心何若暫予解官俾其養望往績未遠去思彌深金玉之音寧容久闕不然新陳代謝責萃藐躬稍存賣友之心豈少謀身之術度諸君愛惜芝泉尙不如元洪之真摯也閣員副署先例可徵且既經國會之質問自應俟內閣之答覆法理之爭終有定論必徑指爲違法亦似失於平情至若總理去職軍寄無人首都治安觀瞻所繫非得資深望重者不足以領袖軍旅綏靖人心警備之設原爲暫舉內閣成立寧事駢枝中央各省何嫌何疑而猥以蕞爾之師遙相監視此尤不攻自破者也國會再召黨幟紛歧成績尠聞爭端迭起邇者議憲之舉過爲束縛利用時機率行可決萬夫憤激目爲禍胎督軍

不忍立法之偏遂有修正之請老成遠慮實獲我心稍抱公忠忍持異論顧念明達尙多討論未竣竭誠疏濬豈必無功但使啟懸崖勒馬之心何苦蹈蹊田奪牛之咎留呈不報職是之由曾於孟王二督軍表明斯意必謂袒護議員弁髦疆吏法之受縛政於何施自計之愚亦不出此道途謠譏甚至謂拒言加譴半予免官元洪於各督軍分同公僕情則家人袍澤之交干城之寄喜肥戚瘠息息相關何況僕僕長途諄諄讜論建言縱激謀國皆忠當四郊多壘之秋賴萬里長城之託而乃自殘手足罰出無名脫有緩急誰足恃乎謂此令爲交刑則御事猶存謂此令爲在府則外人安見流言止於智者不謂以堂堂督軍之尊竟甘爲一二奸人所蠱惑也外交未決險象環生江淮之間赤地相接饑民潛滋伏莽未靖天意人事蓋可知矣國家設官以爲民也協力拊循猶虞弗濟若復阻兵安忍倒行



逆施假軍勢爲聲援以流言相號召責議員以聯邦之罪而顧據一省以稱尊糾內閣但違法之嫌而顧挾三軍以抗命推其流毒必至分裂之危淪諸五季保護之痛儕諸三韓復辟共和皆成畫餅青史之罪縱不動心諸君且夕之間將何所託足乎夫贛甯之役謀統一也滇黔之師護共和也今日爲憲法而獨立則尙在二讀之時爲元首而獨立則並無謀叛之事若乃一夫下野羣帥稱兵舉無名之師貽去者之玷豈惟以私害公亦且反德爲怨自誤誤人更何取焉諸君之明當不若是元洪老矣一葉兩豆或蔽聰明深淵薄冰常懷惕懼耳提面命深所歡迎苟有利於國家亦何惜於頂踵若必動搖邦本擅啟戎端以國徇身悍然不顧元洪憂患餘生飽經世變始終民國心力俱殫俯仰此身了無愧怍萬不忍身見淪亡同爲臣僕固當於全國父老之前謹謝不敏也掬誠相告實式圖之黎元

洪三十一印

浙督軍之要電 萬急北京大總統國務院南京馮副總統徐州張大帥  
南甯陸巡閱使瓊州龍督辦各省督軍省長承德歸化張家口各都統龍  
華甯夏各護軍使並轉各鎮守使師長旅長各報館鑒比來外潮險惡內  
政艱危達於極度元首與議院受國民付託宜如何共篤公忠同謀宏濟  
乃議院對於存亡呼吸之外交問題但務使私任意延擱甚至藉以要挾  
私人權利制定憲法復任意偏倚實行暴民專制以危國基元首則曠信  
羣小勾結誘脅竟至顛倒是非蹂躪法制各督軍以存亡有責一再請命  
淚竭聲嘶乃府會朋比悍然不顧彼輩侈言愛國自命維新而假公濟私  
心實叵測故賊私盡出名流甚於清季何可倚之不疑舉國以段總理公  
忠坦白中外共知竟甘蹈非法拒而逐之其所爭在私雖孤注國家亦所

不惜各督軍不忍亡於羣陰之手爲國家激濁揚清爲人民安良除暴浙省惟有一致宣告與中央斷絕關係促成正常解決禍福知罪與衆聽之  
據忱幸鑒楊善德齊耀珊童保暄張載揚王桂林顧乃斌夏超世印

曹督軍之要電 萬急北京大總統國務院各部鑒各省督軍省長巡閱使各都統護軍使鎮守使各司令師長旅長瓊州龍督辦岳州吳總司令各報館均鑒連日接皖豫魯浙奉等省通電僉以中央違法憲政不良宣告與中央脫離關係錕等以國事方艱豈可操戈同室當經電請大總統俯准改良憲法解散國會是爲息事甯人計非欲妄干內政也詎意中央置未答復時局艱危挽救無術直隸爲四達衝要密邇都城若不急籌維持善法不特立召內患更恐牽動外交安危存亡爭於呼吸茲爲保衛地方治安起見自本日起與中央脫離關係特此電聞少祈後教直隸督軍

曹錕省長朱家寶第二十師師長范國璋東

張作霖卅日通電 萬急北京大總統國務院南京馮副總統長江巡閱使南甯兩廣巡閱使各省督軍省長各都統護軍使並轉各鎮守使各師師長各報館均鑒迺者中央失政羣小弄權法律若弁髦以國家爲兒戲命令等於專制憲法出以陰謀國本動搖人心驚惑憂時之士咸疾首蹙額若喪亡之無日者推原禍始全由公府暨兩院中少數暴民植黨營私攘權奪利之所致也大總統寬柔仁厚人所共知國體改革之初提一旅之師出謀國是對於暴烈分子之舉動何嘗不加以裁制欲納斯民於軌物之中曾幾何時前後判若兩人上年項城逝世當時海內屬目段公而段公深信今大總統能尊重民權力趨正軌乃情願担任內閣總理以相扶持薄海喁喁望治額手稱慶以爲國家得人庶魚水交歡吾儕小民可

出水火而登衽席乃大總統繼任之後羣陰構難狼狽爲奸公道毫無黨爭相尙公府幕僚處仍復亂黨潛結陰圖破壞民黨國務員竟至贓案迭見縱任逋逃以言國會尤可寒心假憲法以售彼狡謀藉會議而逞其私忿清季年之召亂無此荒謬絕倫袁政府之不良尙覺彼善於此若不亟圖匡救且將日就淪胥作霖分屬國民興亡有資觀茲危局深用咎心中央政府能解散國會改選真確民意之議員刪定暴民專制之憲法一面屏除黨見組織良好內閣以維大局而安人心中國前途或尙有振興一日倘意存袒護別蓄野心作霖當牽遼東子弟直搗京師懲彼奸邪衛吾社稷區區血誠天日可矢伏維公鑒張作霖世

倪嗣冲致王聘老電 北京王參謀總長鑒宥電敬悉芝揆免職果獲何譴中外驚疑繼任何人非外吏所得過問我公近贊戎機必能斟酌咸宜

以慰羣望，曷以交盡職責之義動，以休戚相關之誠，沖雖驚駭，敢不自奮。惟是本月二十三日之令，晚見公報，而府中秘書廳先已電傳公府，何地秘書廳何等機關，任免總理更何等事。今日是何國體，是何政體，乃與前清內閣奉諭廷寄同一程序，以我總統之賢，固以法治為號，召決不至有此越軌之舉，其必為羣小僭竊無疑也。大總統命令須經國務員副署為約法之所定，至其如何副署，則國務院官制詳言之。凡關係一部者，該部總長及總理副署之關係，總理者總理副署之伍，總長主管外交代理總理未經發生，何得副署任免總理之令，敢問國務院官制是否法律任免總理與伍總長主管之部，何涉法治之元首守法之國務員，是否可以隨意破壞法律。唐內閣前例本已不合於法，當時事實總理先已潛逃，或有不得已之舉，今則段總理躬在任所，何得援以為例，以我總統之賢，日以

法治爲號召日以袁大總統所施爲鑑戒更不至有此越軌之舉其必爲羣小僭竊無疑也立憲之國首重責任制度民主國體國務員決非對於元首負其責任前者段總理之任命已得國會大多數同意此次政局糾紛乃由段總理主張對德宣戰而起外交政策於對德絕交時已得國會大多數之贊成當日且以信任投票形式行之至宣戰問題即本前次提交之政策爲進步之請求解組閣員與外交投票本屬兩事即以國會而論對於段總理並無不信任之決議段總理方秉其已定之方針以進行並未自請辭職元首果何所依據而遽遽其職在法律上既無獲譴之由在政治上且有信任之據任意任免則法律上之保障盡失此與專制何異此與總統制以閣員爲僚屬者何異以我總統之賢日以法治爲號召日以袁大總統舊制爲口實更不至有此越軌之舉其必爲羣小僭竊又

無疑也命令傳播之夕冲在途次不敢信以爲眞及徐州張紹帥急電奉詢乃得中央覆電與大總統之通電話語證實全出英斷以我大總統之賢何苦爲羣小在過而自居於破壞法律之地破壞法律出於羣小猶可救也若元首自引爲己責其自命令宣布之日即爲國家陷於無法之日本月二十三日以後已爲鼎革之象此則舉國上下共聞而共見之也民國以後喪亂頻仍草創之際法律本未明備本未盡善法律未善政治於以不良此亦無足深諱我大總統既甘居破壞法律之名其必有毅然以改革爲己任者辛亥之役我大總統以救國爲急遂興義師而清社以屋癸丑之季我大總統復以救國爲急首倡改定憲章而國會以散甲寅之春我大總統復以救國爲急首進救國大計而新約法以成丙辰之夏我大總統繼任復以救國爲爲急首布法治明令而臨時約法以復是我大



總統時時以法治爲職志又時時以改良政治爲職志也今茲之令或亦我大總統不得已之苦衷將以此爲發凡舉一切而更張之果其如此天下後世或共諒之今之國會自民國二年議員畏罪散逸不復自行集會後久經自廢自民國三年我大總統進呈救國大計後逕歸消滅已成歷史上過去之物去歲袁大總統新逝海內鼎沸新約法爲衆所厭棄不得不恢復舊約法以爲過渡已死之國會亦因以恢復權宜之計聊徇衆情原背法理所冀者解決一時之糾紛速定長治久安之大法與政府和衷共濟以立國基而已乃一歲以來一法未立徒取紛呶日惟查辦質問干涉行政爲事濫用職權踰越法紀閣置重案其不肖者至鉤結煽動陰劫政權破壞大局會議之時兇毆犯罪不許逮捕此種現象已爲天下所共憤至制憲之事乃復激於偏見行其陰謀削一切行政之權悉收而納諸

國會舉從來統一之局必取而剖爲聯邦爲暴民開專制之新圖陷國家於分崩離析之地其禍之烈言之戰慄前者天壇草案我大總統已刻舉其不適國情今則於天壇草案之外復有加厲之條舉世界各國束縛行政之條規增之而又增試問如此積弱之國使行政權絕無發展之地一惟聽命於此羣呶之議員則政務何自而施富強何自而致此冲日夜厲心而不知所以善其後者其尤異者天壇草案於袁大總統爲對人立法之文今則移其對待袁大總統者專對現在之總理而立法不惜舉總統制進退僚屬之精神開大總統命令副署之例外對人立法何以爲國家無疆之基總理爲內閣之首班上扼於專制之元首下困於專制之國會是舉國機關人人皆可專制獨此行政政府乃束縛而無餘憲法會議方定此條而我大總統乃同時忽有本月二十三日之命令謂非元首國

會上下勾通以破壞責任內閣制度夫誰信之立憲政體何美名國吾民之傾心而謳頌之者爲其脫專制之阨而得享樂利耳若號稱立憲而專制更有甚於前則吾民何辜乃以無數量之血無數量之頭顱而易此荼毒耶今我總統既毅然以破壞法律自任望即趁此時機速圖根本解決毅然解散國會恢復民國元年之治由各省選派議員從新締造即日召集制定諸法並爲將來制憲之基一面任命羣望夙孚資深學粹之員速組內閣實行責任制度與天下更始舉從前政治犯罪之人悉赦免之爲民國開新圖爲人民造幸福不獨舉國同慶即萬世亦利賴之如其不然但便於予一人者則可破壞法律又從而爲之辭其不便於予一人者則曰法治法治恐所謂法治者決非如是解釋更不專爲專制之元首作護符也現在天旱赤地千里萬衆流離政象日惡言之寒心若中央不有

持平之治恐問罪之師連翩而起禍機一發糜爛隨之實有不忍言而不言者我公既贊密勿務盡忠規至新任總揆之升遷本非外吏所敢聞問現在時機此節尤爲無關宏旨也敢布赤誠諸希明察倪嗣冲勸印

倪嗣冲致李總理電 河北李公福仲軒總長鑒閣揆已提我公業經過一院時事方棘中央屬望老成原有深意惟自芝總免職命令違法其中實含有聽信羣小擠陷忠良之嫌現在衆情憤激不能遏抑本日冲已電致聘老原電分送執事當蒙鑒及我公世作柱石人所欽仰救國之義亦當其時惟若輩自煽禍端至事急乃欲以公體當其衝爲衆矢之的似非忠厚之旨我公此時進退頗關大局想已成竹在胸無煩代謀也敢布區區諸希鑒倪嗣冲勸

當合肥免職之日全國軍事會議甫經閉會各督軍尙多留京師者張勳見閣

院衝突。合肥免職。遂電召留京督軍。赴徐會議。各督軍抵徐。所議何事。雖不可知。然據奉天張督軍一電證之。可以知其概要矣。茲將原電列左。

奉天張督軍電（前略）竊維張勳復辟。違反民國。傾覆清廷。欺海內之無人。以國是爲兒戲。迹其罪狀。累紙難書。願爲天下正告焉。霖與張勳在奉相識。前後約十餘年。其秉性頑強。毫無信義。前以中央失政。羣小弄權。各同志懼國家之危亡。爰舉義師。效鬻拳之兵。諫當以勳表同情。故派員會議徐州商榷時政。所持宗旨。不外國會憲法。諸大端。中外共見。共聞。何嘗議及復辟。蒞會諸君。言猶在耳。有無其事。不難立辨。况復辟之事。久已不成。問題稍有世界眼光者。類能知之。維時勳亦以各同志立義正大。一致贊同。並囑速回。宣布獨立。分路進兵。乃竟首鼠兩端。一面約結同人。一面通電。遵命入都。以調人自任。大丈夫作事。當磊落光明。豈有造反如此。

者乎。迨勳携李仲軒入都，各同志以目的達到，完全即可息事，甯人紛紛撤兵，均爲維持大局，而不謂張勳竟利用此時機，其野心其同黨諸人亦以未護登場，倒行逆施，助紂爲虐，而竟出此喪心病狂之舉，充其暴戾之心，勢不至斷送中國，斬斷清室不止。此作霖所爲憂憤成疾而急欲聲罪致討者也。刻已秣馬厲兵，枕戈待命，體景后禪讓之心，還吾民河山之舊區。區區血忱，天日可矢。再此復辟罪在張勳，清帝冲齡，毫無關係，優待條件仍當誓共遵守，迫切直陳，伏維公鑒。張作霖陽印。

查閱前電，並參之兵諫時各省之行動。當日徐津會議，絕不外國會憲法諸大端。敢言其必無推翻共和，施行復辟之事實。豈知張勳別抱送謀，假維持合肥內閣之名，陰欲乘機行復辟之實。各省不察，受其欺罔。張勳亦云狡矣。迨合肥免職，各省獨立。黃陂明令召張勳入京，調停大局。勳以爲復辟之機已至，故由

徐抵津。即大倡復辟之議。經合肥及諸要人之反對。始聲稱絕不爲復辟之事。然張勳言雖如此。心實必行。過津之日。見事機未熟。復恐人視破陰謀。拒其入都。乃宣布一電。以堅人信。茲將其電文列左。

張勳切實聲明電 急各省督軍省長鑒。定密此次各省獨立。諸公激於公憤。同德同心。共揚義幟。聲威所播。海內景從。毅力熱心。越超儕輩。現在義師北集。漸近畿疆。戡定之功。期諸朝夕。自應抱定原議宗旨。堅決進行。集中而發。萬變不撓。惟是僉壬之輩。忌我成功。現方百計阻撓。陰圖破壞。甚或倡爲種種謬說。無非欲資我實力。遂彼私謀。因以別圖擁戴而已。萬一觀聽少移。致爲所惑。匪特團體破裂。即國家亦同與淪亡。揆之我輩舉義初心。豈不太相遠哉。固知諸公謨猷夙決。定不爲所動搖。但旣微有所聞。敢不豫爲警告。切磋砥礪。夫亦友朋之義。應爾攄膈布陳。幸維察納。勳

陽印。

經此番之聲明。兵諫各省及一般要人。始信張勳此次入都。純作調人。絕無其他。惟識者仍疑其既純作調人。即無擁兵入都之必要。既擁重兵。難免不變生。莫測。不幸識者之言中。竟有七月一日復辟之事。突然爆發。上諭既下。電傳各省。各督軍及一般要人。始知均受其欺騙矣。人謂張勳蠢若豚彘。今竟出此深謀遠慮之詭計。其身後確有人在也無疑。不過彼之所謂計之得者。正其謀之敗者。不行此一手遮天之事。其身名將何以敗裂之速也。

第二節 愚弄李經羲

當合肥之免職也。同時提出李經羲繼任總理之職。于國會。國會迫于時勢。遂與其多數之通過。而李氏復鑒於各省之警電頻傳。各督軍反對之呼聲日急。遂遲遲留津。不敢入都就職。其實官迷之熱。達於沸騰點以上。特無大力者以



爲其援手耳。遲遲又遲。適張勳奉令入都。調停大局之事發表。李遂百計迎合。擬欲假勳之威力。以鞏固其位置。冀達其就職之目的。張勳北上。路假天津。李氏遂趨謁其門。求其援手。倘得胞嘗總理風味。所有閣員。均聽大帥物色。勳見李氏卑區下賤。搖尾乞憐。正擬獲一傀儡。用作擋身之物。以便暗行逆謀。遂假李氏入都。使其組織內閣。而李氏老髦昏曠。不知已被人愚。反自鳴得意。故自與張勳同車抵京後。日日奉承張勳意旨。爲恐有間。張勳方行逆謀。無暇風月之談。李氏則嘵嘵瀆請。勳則故意嘲弄之。僅許其擔任三個月。短命內閣。名爲許之。實則揮之。（張勳復辟通電有總理既爲內外所不承。仍卽靦然通告就職之句）李反夢夢。靦然任之。並公然宣布天下。茲將其宣布三個月短命內閣及各省反對其組織內閣之電文。列如左。

李經羲就職之通電 南京副總統鈞鑒南寧陸巡閱使各省督軍省長

都統護軍使各師長並抄送本京張巡閱使鈞鑒天津徐東海段芝老梁任公熊秉三湯繼武周玉山張安圃呂競宇袁香南李柳溪楊杏城胡星舫陳堯階諸先生均鑒轉趙次珊先生鑒此次政爭目的爲國會憲法內閣三要點各省兵諫自出救國之誠而難端方發異議旋生或且利用時機乃欲別圖建設國勢破裂即在目前義受命總理之初本已再三辭謝惟區區保持國家統一之志願非開知遇實懼危亡紹帥到津首以維護元首鞏固國體宗旨見示見解從同誠辭頓熄而各督軍中亦多發布正論力破羣疑民國統一既恃此爲轉圜維持調權之方亦自是始能著手大總統俯念時艱下令解散國會紹帥與義遂同以調人資格入京商權待決條件期於此後國會憲法問題專以召集各省代表會議爲解決樞紐嗟議既定各省服從中央之電旋來足徵諸公忠愛國家保持統一彼

此心理正復相同卽有訛言均當曲諒內閣問題自芝泉去職後卽密推菊聘兩老菊旣決謝聘復堅辭此次入京復經切勸聽老願退居閣員相助無如聘老始終謙執亦以盡瘁部務不辭匡救爲要自義簡人言之調解責任已終避席讓賢無煩熟計况自民國以來項城屢欲強以政務去今兩年芝泉復以至誠推挽均經先後辭謝不任事於治平之日獨投身於危難之秋舍易就難自謀何拙加之政爭甫定時局艱艱此時組織閣員延攬愈難如志守度德量力之誠尤以退全愚分爲宜而自大局言之則閣員缺席已將一月內政則百端停滯外交則警報紛來長此遷延諉讓盈廷負責無人徒供讒夫破壞之資坐陷國家於無政府之地神明內疚午夜難安權衡二者之間未定之是非可以不避未來之分裂不可不防明知百孔千瘡成敗均難逆睹然旣值醞釀已成之危局敢忘溺焚將

及之私憂用是犧牲一身勉力担負任事之期斷以三月爲限如其時局平定屆時易得替人而衰朽之軀亦實難妨賢病國凡此委曲苦衷不得不預爲披瀝明達邦人均能諒恕於異日也至內閣施政方針在此短淺時間誠恐無可自見惟耿耿之愚旣以國家統一國職志則措施順序一當以全國好惡惟衡南北新舊之限義固無所容心派別統係之分亦願各屏成見恃公理爲後盾以大局爲前提凡能維持國家者雖疏逖當引爲同志其有圖謀破壞者卽知好亦視若仇讐皎日寸心希加鑒察其他善後問題容別條舉奉商諸公愛國熱忱百倍庸朽內外同心負責倘有救時良策先要是略經義無不虛哀敬受斷以理所當爲盡其力之能及掬謹肝鬲敬質高明李經羲養

奉天張督軍致倪省長電 倪丹帥鑒大旆到津定能多所贊畫貫徹日

的欣慰無既查解散國會爲開卷第一章既奉明令已有結束正宜組織內閣改訂憲法各問題尙待解決經緯萬端尤須格外注意我同志起義之始原以芝揆免職係屬中央違法此舉雖不盡爲芝老個人而發而當今之世能力膺艱鉅者舍芝老外更有何人此義當爲同人所共認今內閣總理已提李仲軒李雖尙未就職而其人夙與民黨實有特別之關係觀於此次不肯副署改選國會之令而暫以江代者其有意見好於彼黨可知一旦斧柯得假彼黨轉相汲引布滿要津豈不重遺他日之患霖與我公爲首先發難之人誼同休戚竊以爲此次組織內閣總理一席仍以此能得同志多數同意之人爲適當擬請我公於會晤徐州之時婉陳此意力予主持以維大局此外我公有何卓見儘可代霖主張一面告知代表楊玉廷接洽云云

保定曹督軍致各省通電 萬急天津張督軍開封趙督軍田省長太原閻督軍馮幫辦吉林孟督軍黑龍江畢督軍許幫辦福州李督軍杭州楊督軍齊省長武昌王督軍南昌李督軍蚌埠倪省長熱河姜都統張家口田都統歸化王都統上海盧護軍使鄭州張師長馬廠李師長岳州吳司令均鑒定密咸日由錦致張紹師一電文曰北京張巡閱使鑒定密國會解散已見明令皆賴我公毅力決心達此目的至爲欽仰至於接續辦法其憲法改良尙俟另選議員之日惟有責任內閣一席關係大局安危當爲全國贊許勢必軍人內閣乃能統一兵權大振國威尤必軍界泰斗老成持平之人始能孚衆望而定人心近日各省來電皆以李仲仙雖經國會通過旣於政爭之前辭不就職斷難於解決之後認爲有效李公若必再出不第人心不服且恐風潮息難在李公明哲一流當不忍再登舞台

致演成激烈惡劇我公熱誠愛國審勢擇人諒亦以處此時機李公既爲天下所否認自必慷慨獨斷另選他賢惟查芝老刻難復出菊老更不問世統計軍界秦斗夙孚人望惟有王聘老老成持平堪勝艱鉅現接滇鄂陝魯各省來電均以敦勸聘老出而担任爲詞可見是非易於分明人心自有公道錫爲國家大局計與各省極表同意我公權衡得當必以爲然尊意如何尙乞賜教等語特肅敬祈察鑒曹錕咸印

曹仲珊迎王拒李之通電 北京參謀總長鑒參密敬誦元電承示閣席久虛囑勸李仲仙入京就職仰見我公熱誠爲國正大光明至爲欽佩竊維國正必得人而始治人心必如願而始平倘用人一失其當則國事終無補救即人心亦難帖服李仲仙雖經國會通過值此憲法之爭時局之險未曾發一言出一策爲國救危爲衆解紛惟聞潛伏津門辭未就職解

散國會懼不副署是於國家安危不關痛癢已失總理之資格難居總理之名義恐李公再出定爲天下所否認必激起意外之風潮愚見內閣一席關係大局最重處此戰爭時代勢必軍人內閣乃能統一兵權振作國威尤必軍界秦斗老成持重之人始能孚衆望而定人心昨接滇鄂陝各省來電均推我公出而担任人心趨向自有公道乞力方任其艱難爲國負重勿再避讓使人失望以致天下解體釀成亂局除電各省聯銜公推外錫爲國家大局起見非有私意存乎其間尙乞鑒諒無任企禱曹錕山西閻督軍致倪省長電 倪省長鑒定密我公肝胆照人開誠相見感佩之至國會既經解散我軍主張第一要義目的已達所急待解決者內閣問題耳合肥復職最合起義初衷第念取消二十三日以後之命令勢必牽及江代總理之副署亦起問題至李仲老雖經通過任命但既不就



職亦不副署加之各處反對呼聲日高一波未平一波又起今爲和平解  
決迅速從事計我輩應略爲讓步對於上月段李二公任免命令均不要  
求取消自好直捷了當另推第三人出組內閣以維統一惟聘老者德碩  
望克勝其任如此則雙方兼顧在中央辦理不至手續爲難而聘老苦心  
支持南北定能公認縱有鼓動之人亦無藉口之處要之閣揆一席必應  
速定設遷延日久引起內訌將外人干涉亦殊可慮時危迫千鈞一髮尙  
乞我兄鼎力主持以解糾紛鄙見如此公意如何錫山刪印

山東張督軍致各省通電 華密敝處曠日通電擬以總理一席要求聘  
老擔任諒已仰邀鑒登矣今奉武昌王督軍覃電有內閣問題芝老或暫  
難復出仲仙前辭財政已表示不與聞政之決心現擬推舉聘老擔任純  
取超然主義冀息黨爭等語主張與鄙意吻合謹以奉聞如蒙贊同卽請

電達紹帥並電請聘老擔任早日確定以維大局而靖人心佇候明教無任翹企懷芝感印

(五)浙江楊督軍致倪丹忱省長電 急朱省長轉倪丹忱徐又錚兄鑒定密揆席重要魯陝通電均以現在時局非仲老所能收拾默察餘省恐亦相同鄙見非足饜衆望者不能融洽一切整理萬紛合肥似難卽出河間坐鎮東南况難遽北徐東海聘老外別無完全適當之人頃已本此旨電紹帥主持敦勸並電聘老採納施行濟此難關知注電聞善德刪印

李氏既得張勳允許其組織內閣限期三個月。於是從事組織數日之間。僅得一二閣員之同意。迨七月三十日夜間。猶在五里霧中。尙昏昏于閣員之物色。不知一夜之間。山河變色。而張勳復辟逆謀。次日(卽七月一日)爆發。諭旨既下。龍旗飄揚。奉旨謝恩之聲。充塞耳鼓。李氏至此。始如大夢初醒。知被張勳所

愚弄。然亦徒嘆奈何耳。未幾而懊喪出都。避居津門。人謂李氏爲一夢內閣。誠非過論。獨是李氏日走張勳之門。復辟大事。毫無所聞。其愚闇昏噴。麻木不仁。孰有過于此者。夫以聲名赫赫中外。兼通之李仲老。竟被一蠢悍武夫所愚弄。談往事者。豈不啞然失笑也耶。

## 第十一章 奉令入都時代

### 第一節 留津之要挾

各省兵諫紛紛與中央脫離關係也。獨張勳不與焉。不知者似張勳不預聞各省兵諫之事者。其實暗中主持。爲其一人。其遲遲不與各省一致行動者。留作居間調停之地步。並別具肺腸。以收漁人之利耳。政府祇知其運動兵諫之隱幕。不明其背友叛國之逆謀。又復屢接其力陳時局之電文。顯露情甘負魯仲之任。中央知解鈴非得繫鈴人不可。乃於六月一日。明令請其入都。調停大局。

茲將命令列左。

大總統令 據安徽督軍來電、瀝陳時局、情詞懇摯、本大總統德薄能鮮、誠信未孚、致爲國家禦侮之官、竟有藩鎮聯兵之禍、事與心左、慨歎交深、安徽督軍張勳、功高望重、公誠愛國、盼即迅來京、共商國是、必能匡濟時艱、挽回大局、跂予望之、此令。

明令即下。張勳遂携其參謀長萬繩杖、秘書長顧錫箴、秘書胡嗣瑗、宋奉我、顧問饒士端、商衍瀛、王怡三、張鵬、諮議鄒道濟、書記長傅元善、書記朱遇伯、委員楊濟生等。于八號由起徐程。並帶來辦兵二十營。鎗炮子彈機關鎗等。無一不備。儼若出征之概。勳當日抵津。歸其私宅。自此以後。連日在總參謀處與張鎮芳、雷振春等。密商復辟逆謀。並一面敷衍各省。對於中央提出條件六項。電達中央。要求認可。茲將六項條件列左。

一 解散國會

二 修改約法

三 實行責任內閣制

四 懲辦公府僉壬

五 特赦帝制犯罪

六 解散省議

並聲明所提出之六項條件。如元首認可。即行入都。否則携部返徐。不擔任調停之事。往復參商。稍有出入。事成弓張矢適。欲罷不能之勢。元首不忍生靈塗炭。不得已犧牲懷抱。一身負咎。庶可息事寧人。乃允張勳之要求。絕定解散國會。以息爭端。惟解散國會之命令擬就。殘餘閣員如伍廷芳李經羲均拒絕副署。值此進退爲谷之際。張勳又電催十二日晚十二鐘仍不發表。即行謝絕調

停之事。携部南旋。正在焦急之際。江朝宗慨允願任副署之責。元首乃下令任江朝宗暫代國務總理。立即副署。電達津門。而復活之國會。又復氣絕矣。茲將解散國會之命令。及元首之通電列如左。

### 大總統令

上年六月本大總統申令以憲法之成專待國會開會五年憲法未定大本不立亟應召集國會速定憲法等因是本屆國會之召集專以制憲爲要義前據吉林督軍孟恩遠等呈稱日前憲法會議及審議會通過之憲法數條內有衆議院不信任國務員之決議時大總統可免國務員之職或解散衆議院惟解散時須得參議院之同意又大總統任免國務總理不必經國務員之副署又兩院議決案與法律有同等効力等語實屬震悚異常考之各國制憲成例不應由國會議定故我國欲得良妥憲法非從根本改正實無以善其後以常事

與國會較固國會重以國會與國家較則國家重今日之國會既不爲國家計  
唯有仰懇權宜輕重毅然獨斷將參衆兩院即日解散另行組織俾議憲之局  
得以早日改圖庶幾共和政體永得保障等語近日全國軍政商學各界函電  
絡繹情詞亦復相同查參衆兩院組織憲法會議時將一載迄未告成現在時  
局艱難千鈞一髮兩院議員紛紛辭職以致迭次開會均不足法定人數憲法  
審議之案欲修正而無從自非另籌辦法無以慰國人憲法期成之喁望本大  
總統俯順輿情深維國本應卽准如該督軍等所請將參衆兩院即日解散尅  
期另行選舉以維法治此次改組國會本旨原以符速定憲法之成議並非取  
消民國立法之機關邦人君子咸喻此意此令

大總統印

國務總理江朝宗

中華民國六年六月十二日

大總統下令解散國會後之通電 萬急南京馮副總統各省督軍省長  
徐州張巡閱使廣東陸巡閱使承德都統張家口都統歸化都統龍華護  
軍使寧夏護軍使瓊州龍督辦導河提督岳州吳司令各鎮守使各報館  
鑒元洪自就任以來首以尊重民意謹守約法爲職志雖德薄能鮮未鑒  
輿情而守法勿渝之素懷當爲國人所共諒迺者國會再開成績鮮彰憲  
法會議於行政立法兩方畸輕畸重未劑於平致滋口實皖奉發難海內  
騷然衆矢所集皆在國會請求解散者呈電絡繹異口同聲元洪以約法  
無解散之明文未便破壞法律曲徇衆議而解紛靖難智勇俱窮亟思遜  
位避賢還我初服乃各路兵隊逼近京畿更於天津設立總參謀處自由  
號召並聞有組織臨時政府與復辟之說人心浮動訛言繁興安徽張督  
軍北來力主調停首以解散國會爲請迭經派員接洽據該員復稱如不



即發明令即行通電卸資各省軍隊自由行動勢難約束等語際此危疑震撼之時誠恐藐躬驟然引退立啟兵端匪獨國體政體根本推翻抑且攘奪相尋生靈塗炭都門首善之地受害尤烈外人爲自衛計勢必至始於干涉終以保護亡國之禍即在目前元洪籌思再四法律事實勢難兼顧實不忍爲一己博守法之虛名而使兆民受亡國之慘痛爲保存共和國體保全京畿人民保持南北統一計迫不獲已始有本日國會改選之令忍辱負重取濟一時吞聲茹痛內疚神明所望各省長官其曾經發難者各有悔禍厭亂之決心此外各省亦皆曲諒苦衷不生異議庶幾一心一德同濟艱難一俟秩序回復大局粗安定當引咎辭職以謝國人天日在上誓勿食言黎元洪

國會既經明令解散。辦兵即于十三日紛紛抵京。分駐于永定門外及天壇等

處。張勳所求如願。乃于十四日携李經羲雷振春張振芳等入都。離津之時。并通電各省。至抵京後。即赴南河沿私宅。十四日始進公府謁見元首。十六日着黃馬褂。紅頂花翎。入宮展謁清帝。自早七時進內。至十二時始行退出。奏對甚久。當有要事。可想象而知矣。茲列其離津之通電如左。

定武晉京前之通電 比因政爭致釀兵事。勳奉明令入都。調停深懼。收拾爲難。補苴乏術。北上之始。即抱定息事寧人之宗旨。爲解紛排難之方針。惟默察各方面之情形。大多數之心理。咸以國會分子不良。力主解散。另選爲惟一之望。聖誠以國會者民意所賴。以發摠良法所資。以制定其中。固不乏明達穩健之士。而半多恣睢暴戾之徒。開會迄今。瞬將一載。重要法案成立絕少。真正民意壅蔽。轉多挑撥。南北之感情。構煽府院之爭。執其踰盪閑檢者。假議員之資格。爲護符。其包藏野心者。藉法律之條文。

爲武器不但行政橫被其束縛甚且制憲而徒逞臆私舉國人民交嫉共憤現狀具在無可諱言固非獨各督軍等執爲口實已也勳本未嘗蔑視夫國會亦何仇於議員第念羣怨所歸已成衆矢之的若不代申各督軍等所請以解散爲救濟方法實無以鑿衆望而息紛爭用是抵津下車密商在津政要諸公詢謀僉同咸持此議猶憶國會前度之解散出自首座領銜之陳請無非爲奠定大局之計初未有毫髮私見之存區區此心竊符斯悵爰不避怨謗代爲請求幸大總統洞燭輿情俯采衆議特頒明令解散兩院既明且決有識同欽此外如另行選舉修正憲法改組內閣等事不難賡續繼進妥協施行勳擬即應命入都共籌國是俟調停就緒當商請出師各省撤回軍隊各還治所効順輸誠庶中外共釋猜嫌遐邇不生驚擾國勢統一可免割裂之虞內難弭平不召干涉之禍諸公熱誠愛

國百倍於勳諒同此情幸匡不逮勳元印

第二節 電請各省取消獨立

張勳抵都後。威風凜凜。頗稱自毫。朝野上下。仰若秦斗。要求條件。完全達到。而數日之間。又復窺破中央閣弱。遂絕意施行逆謀。事前既有張雷之布置。京畿絕無人敢抗拒。所可慮者。各省兵諫之師。多駐近畿。驟行復辟。難保不無反對。遂作調虎離山之計。乃通電各省。請取消獨立。并即撤回軍隊。自己復聲言收束餘事。並俟李內閣完全成立。即行返徐。茲將其請各省取消獨立電及各省覆電列左。

張定武請各省取消獨立電 萬急保定曹督軍范師長天津朱省長馬

廠李師長奉天張督軍北鎮馮幫辦齊齊哈爾許督軍濟南張督軍張幫辦開封趙督軍田省長太原閻督軍西安陳督軍杭州楊督軍齊省長福

州李督軍龍華盧護軍使岳州吳總司令鄭州張師長察哈爾田都統歸化王都統天津探送倪省長均鑒定密屬以政潮突起海內騷然我同志諸公軫結時艱不得已激爲兵諫風聲所播雲合景從無非欲政治之改良圖國基之永奠襟懷磊落天日爲昭勳謬荷諉誣調停是任憫時感事寢息未寧故到津之日即博采衆議首以解散國會爲請幸大總統特伸剛斷得見施行明令旣頒羣情欽服入都以後更折衷各方意見條舉磋商如組織責任內閣召集憲法會議改良國會規制減少議員額數赦免政治舊犯屏退公府僉壬等事均蒙主座批准次第舉辦雖手續略分先後而承認實已完全按此次各省宣告脫離之始所提條件雖各有不同而其大端要不外此數者今者旣經解決則收束兵事亟須實踐前言電到之日請即取消獨立名義以慰邦人望治之殷通電寰區宣明義問其

軍隊已出發者並即日調回原駐地點勳俟部署粗定亦即率隊回徐從  
此海宇澄清一心同德國家雖迭經創痛吾儕奮力猶可圖強旋乾轉坤  
匪異人任勳雖才能無似猶願與諸公共勉焉臨電欽遲無任盼切勳巧  
印

保定曹錕等來電 大總統鈞鑒竊自共和復建國會重開天下喁喁望  
治僉謂兩院議員當如何體念時艱制法良意美之憲文謀長治久安之  
大計詎意憲法多有不良議員幾同專制以致海內失望人心不平各省  
恐召危亡共興義舉力維正軌凡此事不得已之處純以國家爲前提區  
區血忱當爲天下所共諒幸蒙我大總統心懷救世量能納言明察鑿拳  
之諫曲從周昌之請諒請命之皆忠鑒制憲之未審俯順輿情毅然獨斷  
宣布明令另選議員此後良好憲法公正國會旦夕快覩福利可期仰見

我大總統聖德如天慈量似海欽感之下慚愧莫名覬等伏願輸誠請罪服從中央命令除即日宣布恢復原狀並定期入都謁請訓誡外謹此電陳伏乞鈞鑒不勝悚惶待命之至直隸督軍曹錕省長朱家寶第二十師師長范國璋同叩皓印

西安陳樹藩來電 萬急大總統國務院鈞鑒竊自共和再造天日重光兆民定息以盼來蘇萬方企踵而觀郵治良以我大總統以淵懿冲和之量照臨於上段總理以沉毅堅定之志輔弼於中府閣一體內外相維斯前箸之宏遠克徵卽指顧而澄清可待不意國本未安羣陰構難以全國景崇之議會組之以黨朋以百年遵守之憲法訂之以私見陷政府於躡躅法中置國家於淪胥之境各省督軍責專閫外職守戎行本無干涉行政之心安有制裁議會之意惟念政局瀕危陸沉是懼萬不獲已一再陳

詞詎知李生異趣難容德裕之迴旋恭顯善讒遽罷望之於田畝用是陳兵以諫上期雲漢之昭回束伍以嚴仍盼戈魔之早靖茲幸我大總統明聰啟沃制令特頒風傳薄海戾氣爲之蕩平制擬與元諸將聞而感動樹藩督師三輔表率全秦敬聞綸綍之頒頓慰雲霓之望謹於六月十九日恭率軍民恪遵命令從此歡騰宇內願永矢尊崇元首之心戈戢巖疆敢再請冒瀆尊嚴之罪所有陝省於本日恢復原狀各情除分電各省外謹合電陳伏乞垂鑒陳樹藩皓印

鄭州張敬堯來電 急大總統鈞鑒自奉明令解散國會如天之德薄海同欽並蒙批准組織責任內閣改良國會制度減少議員額數各要端仰見大總統從善如流莫名感戴自應早日恢復原狀以濟時艱職師謹於本月十九日拔隊回防服從中央命令惟念敬堯戇直致犯兵誑之嫌夙



夜思維彌深悚懼尙乞恩予曲鑒嚴加處分俾贖前愆則幸甚矣臨電悚惶不勝待命之至師長張敬堯叩皓印

天津倪嗣冲來電 急大總統南京副總統鈞鑒徐州南寧巡閱使各省督軍省長承德張家口歸化都統龍華寧夏護軍使並轉各鎮守使岳州吳總司令鄭州張師長馬廠李師長各報館均鑒前以政潮激烈海宇皇皇瘡口嗥音挽救無術以愛國之心理爲兵諫之要求凡此萬不得已之苦衷當爲海內同胞所共見大總統念時艱之孔亟思補救於將來特伸英斷業將不良國會明令解散其組織責任內閣招集憲法會議改良國會規制減少議員額數赦免政治罪犯屏退左右僉壬等件均經張巡閱使呈奉批准次第施行政見旣已消融原狀急應恢復收束兵事共謀政治之進行翊贊中央同維艱難之時局自本日始將從前脫離關係之宣

言立予取消並函請津浦路局速備車輛將敝軍所開營隊撤回原駐地點從此兵氣銷爲日月國基固於苞桑發揚共和之精神增進生民之樂利我大總統虛懷毅力固爲遐邇同欽嗣冲等心跡俱明罪戾亦或可末減矣敢布區區伏希亮鑒倪嗣冲皓印

開封趙倜等來電 萬急大總統鈞鑒國務院各部署王參謀總長張巡閱使李總理天津徐相國段總理南京副總統南寧陸巡閱使瓊州龍督辦岳州吳總司令各省督軍省長承德府歸化張家口都統寧夏龍華護軍使並轉各報館鑒國所興立惟法與政法之不良政何由興此次各省因國會專制戩法舞文貽後患於無窮實天下之公敵迫不得已籲請明令解散尅期改選所以崇法治肅政綱而慰民望乃我大總統以謹守法律爲職志各督軍等則以改良法律爲請求見智見仁未嘗不殊途合轍

恭讀本月十二日明諭仰蒙准如所請將參衆兩院即日解散另行選舉大公至正薄海同欽侷等待罪豫疆隄懷國是觸邪指佞久懷勿欺而犯之箴效順輸誠政忘從諫如流之美荆棘除則蘭芷生色浮雲去而風宇爲清捧誦德音莫名感戴除組織內閣改正憲法另訂國會規制減少議員名額各節目業經張巡閱使繕摺面呈均蒙批准次第舉辦外所有豫省軍政民政自應即日一律恢復原狀恪遵中央命令以符統一而奠共和謹布悃忱伏祈鑒察河南督軍趙倜會辦軍務河南省長田文勳陸軍第七師師長張敬堯陸軍第八混成旅旅長徐占鳳全叩效印

濟南張懷芝等來電 急大總統鈞鑒前因國會專制憲法不良宵小弄權總理被黜各端迫切上陳犯顏強諫不得已與中央脫離關係於上月三十一日電呈在案我大總統仁明寬厚俯鑒下忱要求各條准如所請

解散國會業奉明令至於組織內閣改訂憲法屏除宵小各節均尤次第施行從諫如流虛懷若谷爲民爲國薄海同欽懷芝等具有天良能不感泣自今以後東省與中央關係均恢復原狀一切照常派出軍隊即日調回原防地方一律安謐乞紓厘系懷芝等愚昧性成但知愛戴元首擁護共和一時激於救國熱誠操之過急奉職無狀咎過難辭惟有輸誠請罪仰候大總統明令處分不勝悚惶待命之至山東督軍兼署省長張懷芝幫辦山東軍務第五師師長張樹元濟南鎮守使兼混成第四十七旅旅長馬良兗州祗守使兼統領前路巡防隊陸軍第一混成旅旅長施從濱烟台鎮守使統領左路巡防隊聶憲藩曹州鎮守使統領右路巡防隊方玉普陸軍第七混成旅旅長唐天喜新軍訓練司令官何鋒鈺統領後路巡防隊李德厚統領沂防各營張培榮統領新防各營戴以庸陸軍第一

混成團團長上官建勛叩號印

龍華盧永祥來電 大總統國務院各部院南京副總統廣東巡閱使各省督軍省長護軍使都統鎮守使鈞鑒此次政潮激起永祥於東日通電請中央從速解決果蒙我大總統俯順羣情毅然處斷爲國爲民中外共仰永祥此後惟有力謀地方安寧靜候中央解決謹聞盧永祥印

太原閻錫山來電 急大總統張巡閱使南京副總統鈞鑒南甯陸巡閱使各省督省軍長天津探送倪省長瓊州龍督辦承德府張家口都統龍華寧夏府護軍使岳州吳總司令鄭州張師長保定范師長馬廠李師長均鑒乃者政潮陡起海宇沸騰各疆吏以制憲之不良怵國亡之無日至以政爭激爲兵諫意圖救國心實無他耿耿此衷天日可鑒我大總統軫念時艱虛懷若谷俯采衆議力施剛斷布解散國會之令爲刷新政治之

圖明令既頒，薄海悅服。此外如組織責任內閣、召集憲法會議、改良國會、規則減少議員額數、諸大端均蒙元首營納，准予次第舉辦。揆諸請命之始，似無不達之衷。初願既償，原狀宜復。錫山晉疆待罪，國是關懷，興議政之談，雖非得已。循守土之義，良疚神明。况值外交緊迫，內政糾紛，謂宜一德同心，共國挽救。豈忍燃箕煮豆，自促危亡？爲國家計，爲地方計，自應早日回復原狀，以維統一。而冀邦基自本日起，議率所屬歸命中央。所有出發石家莊軍隊，即日調回原駐地點。大總統寬仁有度，仍爲共戴之尊。各疆吏意見悉除，同任藩屏之寄。乾旋坤轉，正在此時。外攘內安，匪異人任。敢布惓忱，伏維垂聆。晉西督軍兼省長閻錫山號印。

奉天張作霖來電（上略）前以政局紛擾，時會不良，曾經宣布脫離中央，並派混成二旅入關原爲一國萬不得已之舉。區區苦衷，想邀鑒察。令

我大總統寬厚仁明當機立斷國會解散政局更新奉省謹於本日宣告取消脫離關係名義服從中央與國人共謀更始除將派出各軍陸續飭令回防外謹電奉聞張作霖賀印

馬廠李長泰來電 大總統張巡閱使王參謀總長李仲仙先生江代理總理吳總監陳督練各部總長副總統陸巡閱使各都統護軍使督軍省長各鎮守使各師旅長各報館鈞鑒政爭趨重和平衝突不至再見我大總統至公無我俯順輿情長泰何人安敢再持異議亟應於十七號取消脫離中央名義以期始終維持治安而盡軍人天職特此電達敬希鑒察  
李長泰叩效

張勳見各省撤退軍隊。覆電均取消獨立。自己遂按兵不動。留居京師。未幾又有招兵四十營。留駐京畿。使雷振春統帶之。說此種步伍。皆復辟之先聲。特人

不加察耳。

### 第三節 復辟之遠因

民國肇造。六載于茲。復辟之說。時有人倡。如宋育仁。勞乃宣等。先後以周召故事。遊說項城。一時人言嘖嘖。而項城方存心帝制。自爲故宋勞輩。致因此獲譴。遞回原籍。嚴加管束。自此以後。從事於復辟之謀者。知稍所警惕。不敢妄事。雖簧蠱惑衆聽矣。然形式上。雖經懲創。而言論及事實上。仍不時發見。復辟之論。說及形跡。如滬上遺老康有爲輩。設立一鸞社。常有詩歌。乩語之言。復辟。張勳亦社員之一。益爲彼輩所迷惑。故演此次復辟之慘劇。推其原因。而其和之初。留有禍根。及社會變幻。授其機宜者。殆有數端。茲分言之。辛亥之秋。清庭揖讓。民國酬其美意。特設優待條件。載諸盟約。因之皇室一切典章制度。悉仍其舊。而皇帝稱號。宣統正朔。亦得行諸公牘。此其一也。遷宮頤和園。載諸盟約。項城



秉政。大局不定。爲維繫旗民之心。遷宮之事。致未施行。而旗員及一般遺老。仍得以翎頂入朝。觀瞻所繫。人民腦筋內。致存大清二字。久難忘却。此其二也。前清舊臣。擁有厚資。多旅居青島上海。昌言忠愛。毫無顧忌。一黨社之刊詩歌。梁鼎芬之謁皇陵。其足爲復辟之導線。而民國官吏。皆與彼等有同寅誼。其言動。雖觸共和。往往姑予優容。不加取締。此其三也。六年以來。宗社黨人。常出沒於蒙疆。並勾結兵匪。倡言興復。升允鐵良輩。爲該黨中堅代表。民國政變頻仍。無暇及此。故雖明知。未加約束。此其四也。項城帝制自爲時代。一般士論。靡然風從。皆力詆民主共和。不適中國。君主立憲。足救滅亡。風聲所播。深入頑固者之腦筋。於是共和之信念。愈形薄弱。而逆謀復辟者。益信其宗旨之不訛。此其五也。自前清末葉。迄於今日。藩籬潰決。道德淪亡。廉恥之念。往往不敵其祿位之心。微末細民。猶或可諒。獨主地方大吏。中央顯宦。反日以苟全地位。爲其生

平不二之宗旨。朝爲民國達官。暮即轉爲帝制功狗。迨事機失敗。則轉面復攘奪民國權利。共和帝制。皆無不利。犧牲身名。保得飯碗。國體非其所問。此其六也。以上六者。皆復辟之遠因。又足以促成此次復辟之事實。卽無張勳。禍機醞釀。亦必有爆發之一日。可信然也。

#### 第四節 復辟之近因

夫張勳抱復辟之逆謀。雖非一日。使無此次各省兵諫。奉令入都之機會。及無隙之可乘。國會致被解散。張逆遂得長步入都。假作調人。李經羲輩。昏庸闇弱。仰承鼻息。惟恐或後。張勳復見諫兵全撤。京畿無可爲敵之師。遂認爲千載一時之良機。由徐起節之時。復受康有爲密促其乘機行事之預告。旣抵津京。又有張雷梁萬輩。從而慫恿。張勳復辟之逆謀。遂決意必行。第對於財政軍事外交三者。多所躊躇。故數日未決。某日南河沿逆巢密議之際。卽提出此事。張勳

發言後。雷振春振臂呼曰。我公果能舉復辟大事。軍事方面。某當擔任堅兵十萬。以聽我公指揮。請勿以此爲慮。勳熟視雷而頷之曰。公果有堅兵十萬。擔任鎮攝。余則以皇帝天威。亦當有兵十萬相助。風聲所樹。其他外省。必有響應者。於是軍事之議決。次及財政外交。張梁諸逆。亦均以全力擔任。梁逆敦彥且謂復辟之事。係我國內政。外交界絕不干涉。卽或事出意外。某必當有法折服之。三逆所擔任。皆空中樓閣。張勳均信爲真。密議既決。遂又分電召升允康有爲。輩兼程進京。共商大事。康有爲乃携王乃徵沈增植等。於三十日晚。潛行抵都。復辟之事。竟于七月一日。卽行暴發。可見逆謀早成。遲遲發表者。不過待文武二聖人會聚一堂。大顯神通耳。

### 第五節 復辟之景象

逆黨將財政軍事外交三大要事議決。勳乃於六月三十日傍晚。入宮謁見清

帝告以種種之密謀。溥儀命勳商之。載澤似有不敢決可否之意。勳遂言此事自當一一回明。但今事急。遲恐生變。語畢匆匆出宮。卽赴江西會館之讌約。溥儀方半三齡。固不知復辟事之利害。舉勳謀以告瑾瑜兩太妃。北京某報載有太妃聞儀言至慄慄震懼。不知舉情。終乃大哭。謂勳之謀禍至無日。我皇室從此危矣。然事已至此。無力抵抗。祇好聽之而已之言。確否並誌之。

勳至江西會館酒飯畢。卽入坐觀劇。旋從者耳語告康有爲等抵京到廡。勳觀劇至夜十二鐘。始返南河沿私宅。抵宅吸食鴉片煙後。卽召康萬雷張梁胡等徒黨密議于室。(京報有載勳回廡後江朝宗告以所謀。敗露遲則失敗。請勳速定大計。故復辟事發表倉猝云云存疑並志)議畢。卽電訓第一師旅部全隊進城。致被永定門營沈拒絕。勳卽電達步軍統領江朝宗廡。今其到宅面商要事。先是江西會館之享勳也。江氏亦在招讌之列。酒數行卽興辭去。時約晚

半鐘。檢閱公牘後。甫將就寢。忽電鈴聲至厲。起聽。乃永定門營汛報去第二師旅部全隊要求入城之訊也。未幾聲又作。亦如之。江氏甚疑。一面因飭嚴守各門。勿令軍隊入城。一面擬自出調查。一究其所以然之故。車乘未集。而陸軍總長王聘卿。倉皇至宅。相訪。具述張勳悍行復辟之事。相與驚訝。語未畢。闖者忽以張振芳函至。囑江至勳宅集議。並遣其汽車相迓。江却不行。少頃勳寤武弁傳勳命。令江速往。乃與王同達勳厲。至則繚兵荷鎗實彈。環立階下。勢如臨敵。江王僅隻身入。屏從者于戶外。入則室中座客已滿。雷張康萬諸逆均與焉。旋見勳出。首詢江何以拒門不令軍隊入城之故。言時聲色俱厲。江答以京師向章。夜間非有參謀總長之印文。不准軍隊進城。以防生變云云。王則默然隅坐。震震不敢發一聲。嗣勳出誓書二紙。令座者悉署名。且抗聲謂如不從我復辟。著其母出此室。衆乃如言各書名。事畢。遽由勳率其黨徒二百餘人。進神武門。

達養心殿。朝溥儀。行一跪三叩禮。禮畢。儀按班召見。第一班祇勳一人。王士珍等六人（即六議政大臣）爲第二班。其餘凡曾官一二品者爲第三班。第四班則多屬勳部軍官。及近畿軍隊官佐。前三班均賜坐。問話。勳獨以擁立大功。召見之時。亦較長。是時康有爲亦服六品服。戴白碌頂。隨第三班入朝賀。康故工部主事。於例不能召見。此次之得隨班朝賀。在康以爲異數矣。餘如萬繩棊。胡嗣瑗等。亦加入第三班。各按其清代所居官。以翎頂相炫耀。然此次復辟。事起倉猝。朝賀時。均苦無前清制服。除勳等曾與逆謀者外。率皆以民國乙種常禮服。藍袍黑褂代之。軍界中之入朝者。則用軍服。高冠峨峨。金刀熠映。但亦錯落不齊。其不及備者。不特並常禮服無之。而竟以恒常之衣履進矣。斯爲第一日之情形也。自是後。勳每日侵晨必率其所謂議政大臣七人者。入朝奏事。入則循東華門步行抵乾清宮。朝時仍以勳一人爲首班。餘六人列跪於次。事無

鉅細。首由勳發言。儀惟唯唯。不置可否。又聞勳等朝賀之第一日。覲儀畢。復請朝賀兩太妃。太妃拒之。而惟令中監傳語。諭勳以小心慎重四字而已。時在民國六年七月一日。于是復辟之事。竟已告成。

勳率諸逆朝畢。乃退歸南河沿私廡。召馬龍標吳靜潭議鎮壓地面事。馬吳答職守所在。盡力維持北京秩序。他事非所過問。旋勳出其先期所擬定之偽諭四十二道。并通電一件。送交印鑄局領發。此項偽諭。先出自萬繩杖草擬。繼由康有爲潤色。其中有爲諸逆所最得意者。即以綱常名教爲精神之憲法。以禮義廉恥收潰決之人心兩語。初爲萬擬所無。由康有爲潤飾時加入。擬畢。勳莫知所謂。乃由康細加詮釋。爲勳津津述之。語已頗露得色。且自詡此兩語可抵得百萬雄師。時儀傳陳寶琛亦在座。因諛之曰。昔趙普以半部論語治天下。今長素兩語可抵得半部論語矣。其迂闊黯昧如是。先是偽諭之擬。勳以屬萬繩

械。俟康有爲至。已脫稿矣。萬故具煙霞癖。一榻篝燈。盡數晝夜力。始告成。付勳懷而匿之。時禱暑蒸人。揮汗如雨。勳每出必袍服束帶。其暑更甚。至朝賀日。勳懷出僞諭付萬。胡宣讀一過。已字跡模糊。不甚可辨。幸儀冲幼。因人傀儡。固不知僞諭中之何所謂也。

張勳率衆朝賀散出後。王江二氏。復偕梁鼎芬李慶璋輩。至公府。晉謁黃陂。聲言清主復辟。民國命脉業已中止。應請歸還大政云云。首發言者。則儀傳梁鼎芬也。黃陂驟聞語大恚。繼念無力抵抗。乃謂梁等曰。予一身進退不足惜。如國事何。且汝等主張復辟。全國民意必不贊同。將來義師四集。其時清室安危。予不負責任矣。予之大總統職位。受諸國民。不能以私意相授。受是否惟全國民意是從耳。言雖委婉。氣實慷慨。梁等無以難。遂不得要領而出。然新華門以外。龍旗迎風招颺。宣統九年之僞諭。已傳遍都市矣。茲將各上諭及張勳通電并



奏摺列左。

宣統九年五月十三日

上諭朕不幸以冲齡繼承大業營營在疚未堪多難辛亥變起我

孝定景皇后至德深仁不忍生民炭塗毅然以

祖宗創垂之重億兆生靈之命付託前閣臣袁世凱設臨時政府推讓政權公

諸天下冀以息爭弭亂民得安居乃國體自改共和以來紛爭無已迭起

干戈強劫暴斂賄賂公行歲入增至四萬萬而仍患不足外債增出十餘

萬萬而有加無已海內囂然喪其樂生之氣使我

孝定景皇后不得已遜政恤民之舉轉以重苦吾民此誠我

孝定景皇后初衷所不及料

在天之靈惻痛而難安者而朕深居宮禁日夜禱天徬徨飲泣不知所出者也

今者復以黨爭激成兵禍天下洶洶久莫能定共和解體補救已窮據張勳馮國璋陸榮廷等以國本動搖人心思舊合詞奏請復辟以拯生靈又據瞿機鴻等爲國勢阽危人心渙散合詞奏請御極聽政以順天人又據黎元洪奏請奉還大政以惠中國而拯生民各等語覽奏情詞懇切實深痛懼既不敢以天下存亡之大責輕任於冲人微眇之躬又不忍以一姓禍福之嚮言遂置億兆生靈於不顧權衡重輕天人交迫不得已允如所奏於宣統九年五月七三日臨朝聽政收回大權與民更始自今以往以綱常名教爲精神之憲法以禮義廉恥收潰決之人心上下以至誠相感不徒恃法守爲維繫之資政令以懲毖爲心不得以國本爲嘗試之具况當此萬象虛耗元氣垂竭存亡絕續之交朕臨深履薄固不敢有樂爲君稍自縱逸爾大小臣工尤當精白乃心滌除舊染息息以民瘼爲念爲民

生留一分元氣卽爲國家延一息命脉庶幾危亡可救感召天庥所有興復初政亟應興革諸大端條舉如下一欽遵

德宗景皇帝諭旨大權統於朝廷庶政公諸輿論定爲大清帝國善法列國君主立憲政體一皇室經費仍照所定每年四百萬元數目按年撥用不得絲毫增加一懷遵本朝

祖制親貴不得干預政事一實行融化滿漢畛域所有以前一切滿蒙官缺已經裁撤者概不復設至通婚易俗等事並著所司條議具奏一自宣統九年五月本日以前凡與東西各國正式簽定條約及已付債款合同一律繼續有效一民國所行印花稅一項應卽廢止以紓民困其餘苛細雜捐並着各省督撫查明奏請分別裁撤一民國刑律不適國情應卽廢除暫以宣統初年頒定現行刑律爲準一禁除黨派惡習其從前政治罪犯概

予赦免儻有自棄於民而擾亂治安者朕不敢赦一凡我臣民無論已否剪髮應遵照宣統三年九月諭旨悉聽其便凡此九條誓共遵守皇天后土實鑒臨之將此通諭知之欽此

上諭本日黎元洪奏請奉還國政籲懇復御大統一摺據稱該員因兵變被盜脇竊大位謬領國事無濟時艱並歷陳改建共和諸多弊害奏懇復御大統以拯生靈自請待罪有司等語覽奏情詞悱惻出於至誠從亂既非本懷歸政尤明大義際此國勢危岌大局飄搖竟能作吾民親上之先定中國救亡之策厥功甚偉深孚朕心黎元洪着錫封爲一等公以彰殊典尙其欽承朕命永荷天庥欽此

上諭興復伊始特設內閣議政大臣以資贊襄而專責成並設閣丞二員其餘京外員缺均暫照宣統初年官制辦理其現任文武大小官員均著照

常供職欽此

上諭張勳王士珍陳寶琛梁敦彥劉廷琛袁大化張鎮芳均著授爲內閣議  
政大臣欽此

上諭內閣閣丞著萬繩栻胡嗣瑗補授欽此

上諭外務部尙書著梁敦彥補授欽此

上諭度支部尙書著張鎮芳補授欽此

上諭參謀大臣著王士珍補授欽此

上諭陸軍部尙書著雷震春補授欽此

上諭民政部尙書著朱家寶補授未到任以前著吳炳湘署理欽此

上諭徐世昌著授爲弼德院院長康有爲著授爲弼德院副院長欽此

上諭直隸總督北洋天臣著張勳補授並留京辦事欽此

上諭兩江總督南洋大臣著馮國璋補授欽此

上諭兩廣總督著陸榮廷補授欽此

上諭直隸巡撫著曹錕補授欽此

上諭江蘇巡撫著齊耀琳補授欽此

上諭安徽巡撫著倪嗣冲補授欽此

上諭山東巡撫著張懷芝補授欽此

上諭山西巡撫著閻錫山補授欽此

上諭河南巡撫著趙倜補授欽此

上諭江西巡撫著李純補授欽此

上諭湖南巡撫著譚延闓補授欽此

上諭浙江巡撫著楊善德補授欽此

上諭廣東巡撫著陳炳焜補授欽此  
上諭廣西巡撫著譚浩明補授欽此  
上諭湖北巡撫著王占元補授欽此  
上諭福建巡撫著李厚基補授欽此  
上諭雲南巡撫著唐繼堯補授欽此  
上諭貴州巡撫著劉顯世補授欽此  
上諭新疆巡撫著楊增新補授欽此  
上諭甘肅巡撫著張廣建補授欽此  
上諭奉天巡撫著張作霖補授欽此  
上諭吉林巡撫著孟恩遠補授欽此  
上諭黑龍江巡撫著許蘭洲署理欽此

上諭四川巡撫著劉存厚補授欽此

上諭陝西巡撫著陳樹藩補授欽此

上諭熱河都統著姜桂題補授欽此

上諭綏遠城都統著王丕煥署理欽此

上諭察哈爾都統著田中玉補授欽此

上諭江北提督著王廷楨補授欽此

上諭江南提督著盧永祥補授欽此

上諭長江水師提督著張敬堯補授欽此

內閣議政大臣張勳

宣統九年五月十四日內閣奉

上諭瞿鴻機升允均著授爲大學士欽此



上諭馮國璋陸榮廷均著授爲參預政務大臣欽此

上諭康有爲著賞給頭品頂戴欽此

上諭王士珍梁敦彥均著加恩在紫禁城內賞坐二人肩輿欽此

上諭康有爲著加恩在紫禁城內賞坐二人肩輿欽此

上諭劉廷琛張鎮芳均著加恩在紫禁城內騎馬欽此

上諭雷震春著加恩在紫禁城內騎馬欽此

上諭學部尙書著沈曾植補授欽此

上諭海軍部尙書著薩鎮冰補授欽此

上諭法部尙書著勞乃宣補授欽此

上諭農工商部尙書著李盛鐸補授欽此

上諭郵傳部尙書著詹天佑補授欽此

上諭理藩部尙書著貢桑諾爾布補授欽此

上諭都察院都御史著張曾勗補授欽此

上諭都察院副都御史著胡思敬溫肅補授欽此

上諭陳寶琛奏請收回成命一摺該大臣輔弼朕躬忠誠夙著值茲邦家再

造百度待興正賴宏抒讜謨益資啟沃尙其欽承朕命毋得固辭欽此

上諭廣東水師提督著龍濟光補授欽此

上諭湖南提督著吳光新補授欽此

上諭外務部左侍郎著李經漢補授高而謙著補授外務部右侍郎欽此

上諭民政部左侍郎著吳炳湘補授張志潭著補授民政部右侍郎欽此

上諭度支部左侍郎著楊壽枏著授黃承恩著補授度支部右侍郎欽此

上諭學部左侍郎著李瑞清補授陳曾壽著補授學部右侍郎欽此

上諭陸軍部左侍郎著田文烈補授崔祥奎著補授陸軍部右侍郎欽此

上諭法部左侍郎著江庸補授王乃徵著補授法部右侍郎欽此

上諭農工商部左侍郎著錢能訓補授趙椿年著補授農工商部右侍郎欽此

上諭郵傳部左侍郎著阮忠樞補授陳毅著補授郵傳部右侍郎欽此

上諭參謀部副大臣著作賓補授欽此

上諭步軍統領著江朝宗補授欽此

上諭鹽政署署長著李思浩補授欽此

上諭著鈕傳善督辦全國煙酒事宜欽此

上諭外務部左丞著辜湯生補授謝介石著補授右丞左參議著程經世補

授劉洪禧著補授右參議欽此

上諭度支部左丞著曾習經補授李經野著補授右丞欽此

上諭學部左丞著章棫補授欽此

上諭農工商部右丞著顧瑗補授欽此

上諭京師巡警總廳廳丞著吳炳湘兼署欽此

上諭京師務監督著江朝宗兼管欽此

上諭順天府府尹著王達補授欽此

上諭直隸布政使著李慶璋補授欽此

上諭此次保衛京師奠安邦社所有在京軍警人等異常出力著賞內帑十

萬元交民政部陸軍部分別發給欽此

內閣議政大臣張勳王士珍梁敦彥劉廷琛張鎮芳

宮門鈔 上 諭

召見內閣 端緒 江朝宗 王達 崑源 喜源 宣統九年五月十五日

內閣奉 上諭近年國事紛更民生艱苦橫徵暴斂杼柚屢空軫念窮黎殊

深憫惻所有宣統九年以前民間舊欠錢糧概予豁免以紓積困著各省督撫

都統轉飭所屬切實奉行並即敬謹刊刻謄黃通行曉諭咸使周知以示朝廷

加惠閭閻之至意欽此 上諭牧令親民歷代所重近年以來紀綱廢弛仕

路混淆治民轉以殃民執法或先駝法羣怨所積呼籲無門將欲體恤民生端

在修明吏治著各督撫都統認真考核凡有勤政愛民治行卓著者隨時切實

保荐候旨擢用其貪劣不職各員並著從嚴糾劾毋稍姑息徇隱總期官方整

肅治具先張以副朕子惠元元之至意將此通著知之欽此 上諭貢桑諾

爾布片奏百日未滿俟服闋再行到任等語現在時局艱難百務待興著即先

行到部任事以副倚畀欽此 上諭直隸提督著陳光遠補授欽此 上

諭浙江提督著范國璋補授欽此 上諭福建提督蔡成勳補授欽此

上諭陳毅奏懇請收回成命一摺現值國基初奠正賴羣才匡翌尙非守經之時該侍郎夙効忠誠務當顧念時艱先行到部辦事毋得固辭欽此 上諭

理藩部左侍郎著達燾補授理藩部右侍郎欽此 上諭鈕傳

善著賞給侍郎銜欽此 上諭李進才著授爲陸軍副都統欽此 上諭

李進才著派充京師軍警總執法處督辦欽此 上諭劉金標著補授陸軍

第十三師師長所遺陸軍步隊第二十五旅旅長著李得勝補授欽此

內閣議事大臣張勳王士珍假陳寶琛梁敦彥劉廷琛袁大化張鎮芳

宮門鈔

五月十五日 召見內閣 端緒 江朝宗 王達 崑源 喜源

諭旨

宣統九年五月十六日內閣奉 上諭昨經明發諭旨採用君主立憲政體將以闡揚 先訓效法列強查立憲先進諸邦首重憲法而行政機關而外咸有國會 監督政府方茲邦基再奠亟應制定憲法召集國會以立根本之大計而慰薄海之人心惟憲法應如何規定國會應如何組織仍當切實討論俾有良效而無流弊即著各督撫推舉老成公正精通法理諳悉國精之員每省三人剋期來京將憲法國會諸大端慎籌妥議以期早日告成用副朕厲行憲政之至意至應行籌備事宜著民政部速議具奏欽此

內閣議政大臣張勳王士珍陳寶琛梁敦彥劉廷琛袁大化張鎮芳  
事由單

五月十四日 弼德院副院長康有爲請 安並謝 恩奉 旨知道了  
署安徽布政使提學使沈曾植請 安奉 旨知道了 貴州布政使

王乃徵請 安奉 旨知道了 署理民部尙書吳炳湘謝 恩奉

旨知道了 步軍統領江朝宗等照常供職謝 恩奉 旨知道了

江朝宗等呈 進 賀摺並請 安奉 旨知道了 陳寶琛奏請收

回 成命奉 旨留 署理長江水師提督張敬堯謝 恩奉

旨知道了 內閣議政大臣外務部尙書梁敦彥呈 進 賀摺請 安

並謝 恩奉 旨知道了 順天府府尹王達呈 進 賀摺並請

安奉 旨知道了 內閣議政大臣直隸總督北洋大臣張勳內閣議政

大臣參謀部大臣王士珍內閣議政大臣度支部尙書張鎮芳內閣議政大臣

劉廷 內閣閣丞萬繩栻胡嗣瑗陸軍部尙書雷震春謝 恩均奉 旨

知道了 長江水師提督張敬堯前荊州左翼副都統會辦湖北軍務舒清阿

鑲黃旗漢軍副都統鐵忠請 安均奉 旨知道了



天津朱家寶賀電五月十五日

內閣議政大臣鈞鑒定密恭讀電傳 上諭 宣統九年五月十三日臨朝聽政收回大權與民更始等因欽此譯誦之下怵舞難名伏念天道無往而不復民心經亂而思平本涵濡以戴高履厚之深仁自激發乎親上愛君之大義乃荷皇上俯從衆議特運鴻謨期安撫治之山河重煥光華之日月自天錫命匝地臚懽家寶戴罪畿疆欣逢輿運未改漢官於司隸如聆唐於興元帥今整理堯封有愜百姓與能之隱行見 纘承萬緒永占萬年有道之長所良家寶慶賀下忱敬馳電布陳伏乞代 奏朱家寶叩願印

宮門鈔

五月十六日 雷震春 吳炳湘 章棫 陳毅 黎湛枝 康有爲 楊壽枏 黃承恩 孟恩遠 鈕傳善均謝 恩 恆安 司秉鈞 聯魁 毓善

寶銘 傅春官 保恆 奕壽 楊會康 薛寶辰 吳錡 吳鈞 陳昌  
穀 均請 安 召見內閣

諭 旨

宣統九年五月十七日內閣奉 上諭沈曾植着加恩賞在紫禁城內騎馬欽  
此 上諭孟恩遠着加恩賞在紫禁城內騎馬欽此 上諭內閣法制局局長  
着方樞補授銓叙局局長着郭則溥補授統計局局長吳廷燮補授印鑄局局  
長着吳笈孫補授欽此 內閣議政大臣張勳王士珍陳寶琛梁敦彥劉廷琛  
袁大化張鎮芳

宣統九年五月十六日內閣奉 上諭蒙古爲國屏蔽河山帶礪垂三百年自  
辛亥遜政以來中原雲擾統馭無方以致潰決頻仍兵爭未息眷懷舊主無路  
自通朕甚憫焉現在鼎祚重新與天下更始該王公等其各率爾舊服佐我皇

圖用世世爲國家翼蔽之賴所有蒙古應行興革事宜著理藩部妥議具奏隨時敷設加意撫綏以慰其歸誠効順之意將此通諭知之欽此

上諭邦家再造經緯萬端輔導助勤實資者獻連日疊頒明諭凡屬舊臣海內碩德在朕所知均已先後簡任惟人材所出不拘一途或操行優長可爲矜式或治績純美夙著循良或文章爾雅堪爲廓廟之資或法律精深堪備典章之選或發明新理學具專長或講求技術富有經驗乃至鄉里獨行山林隱逸尙有一節之長朕無不量材擢用着京外各大臣留心訪察隨時開列事實繕單具奏以備任使用副朕側席旁求之至意欽此

上諭太傅銜太保大學士弼德院院長徐世昌着授爲太傅欽此

上諭太傅太學士徐世昌碩德耆年公忠體國敦歷內外譽望攸隆朕冲齡興復方始典學莅政輔導需賢昨已降旨特簡爲弼德院院長該大學士忠愛

夙着且與朕躬違離日久以朕眷注之切諒亦依戀至殷自必聞命立行剋期就道第念先朝勳舊允宜禮遇特殊茲略仿古人君安車蒲輪優禮耆賢

之義着郵傳部迅備專車並派曹秉章馳赴天津前往迎迓務期即日來京朝夕納誨匡弼朕躬用副惓惓延跂之厚望欽此

上諭張人駿周馥均著授爲協辦大學士欽此

上諭袁大化著加恩賞在紫禁城內騎馬欽此

上諭岑春煊趙爾巽陳夔龍呂海寰鄒嘉來張英麟鐵良吳郁生馮煦朱祖謀胡建樞安維峻王寶田均著授爲弼院顧問大臣欽此

上諭甘肅提督著馬安良補授馬福祥著補授固原提督欽此

上諭田文烈未到任以前陸軍部左侍郎著吳錦署理欽此

上諭陸軍部左丞著陸錦補授劉恩源著補授右丞左參議著吳鼎毅補授韓

運章着補授右參議欽此

上諭鄭孝胥秦炳直陳際唐吳慶坻趙啟霖華世奎翁斌孫均著迅速來京預備召見欽此 以上均內閣議政大臣張勳王士珍陳寶琛梁敦彥劉廷琛袁大化張鎮芳

事由單

五月十五日 江朝宗補授步軍統領兼管京師稅務監督謝

奉

旨知道了 幫辦毅軍全軍事務前熱河都統崑源前湖北安襄鄖荆兵備道

喜源各請 安均奉 旨知道了 王達補授順天府府尹謝 恩並

請 安奉 旨知道了 泰甯鎮總兵兼總督內務府大臣端緒請

安奉 旨知道了 新授內閣議政大臣太保陳寶琛謝 奉 旨

知道了 新授內閣議政大臣袁大化謝 恩並請 安奉 旨知道

了 內閣議政大王亟士珍梁敦彥均着加恩在 紫禁城內賞坐二人肩輿

各謝

恩均奉

旨知道了

貢桑諾爾布授理藩部尙書謝

恩奉

旨知道了

又片奏現因百日孝未滿俟服闋再行到任事奉

旨留

劉廷琛張鎮芳均着在

紫禁城內騎馬各謝

恩均奉

旨知道了

前郵傳條左參議陳毅

請收回成

命奉

留旨

前署湖北提學

使李孺新授直隸布政使李慶璋度支部左參議劉世珩幫辦奉天軍務陸軍第二十八師師長馮德麟翰林院侍 學士惲毓鼎鑲黃旗漢軍副都統惲寶

惠素崇仁唐銘盛各請

安均奉

旨知道了

宮門鈔

召見內閣

麒麟

楊壽樞

諭

旨

宣統九年五月十八日內閣奉

上諭前以興復伊始特簡內閣議政諸大臣本爲一時權宜之計亟應建設完全責任內閣以期實行君主立憲政體徐世昌着以太傅大學士輔政卽日來京贊畫一切并籌備召集國會修訂憲法諸事宜以奠國基而宏新政欽此

上諭中國交通兩銀行發行兌換券向由國家擔保通用現在國體回復該兩銀行兌換券仍由國家照舊擔保公私欸項一律行使着度支部郵傳部督飭銀行維持信用并着步軍統領巡警廳承順天府尹迅卽出示曉商民一體通用毋得任意折扣以維金融欽此

上諭度支部尙書張鎮芳着兼鹽務署督辦欽此

上諭郵傳部尙書詹天佑未到任以前着梁敦彥暫行兼署欽此

上諭孫寶琦着派充督辦稅務大臣蔡延幹着派充幫辦稅務大臣欽此

上諭李思浩未到任以前鹽務署署長兼稽核所總辦着嚴璩署理欽此

上諭中國銀行正監督着張茂烱補授副監督着曹銳補授欽此

上諭馬蘭鎮總兵熙彥着仍兼管內務府大臣事務欽此

上諭陳邦瑞周樹模沈瑜慶余誠格丁寶銓朱益濬均着迅速來京陛見欽此

內閣議政大臣張勳王士珍陳寶琛梁敦彥劉廷琛袁大化張鎮芳

事由單

五月十七日

值年旗代奏八旗各營參領等官照舊供職謝恩事奉旨知道了

那彥圖等照舊供職謝恩呈進賀摺並請安均奉旨知道了賀摺

留



前農工商部左參議誠璋翰林院侍讀學士恩祥各請 安奉 旨知道了

京師軍警督察長馬龍標呈 進 賀摺並請 安均奉 旨知道了賀摺留

前欽天監監正陳壽彭前欽天監左監副徐洪塘 貢桑諾爾布各請 安均

奉 旨知道了

前福建布政使尙其亨前山東巡撫孫寶琦實錄館副總裁寶熙等收掌官榮

緒等各請 安均奉 宣知道了 新 理藩部右侍郎顧瑗謝 恩奉

旨知道了

學部尙書沈曾植法部右侍郎王乃徵各謝 恩均奉 旨知道了

度支部奏請頒發新印事奉 旨留

袁大化紫禁城內騎馬理藩部左侍郎達壽學部右侍郎 陳曾壽各謝 恩均

奉 旨知道了

長江水師提督張敬堯等得 賞尺頭馮德麟等得 賞尺頭各謝 恩均奉

旨知道了

宮門鈔

五月十九日

尹良 爽良 常海 占鼇 吳敬修 常泰均請 安 沈會植謝

恩 熙彥謝 恩並請 安

召見內閣 貢桑諾爾布 達壽 顧瑗 熙彥

諭 旨

宣統九年五月十九日內閣奉

上諭民政部左丞著吳籛孫補授吳敬修著補授右丞欽此

內閣議政大臣張勳王士珍陳寶琛梁敦彥劉廷琛袁大化張鎮芳

宣統九年五月十九日內閣奉

上諭度支部左參議著吳學廉補授宋名璋著補授右參議欽此

內閣議政大臣張勳王士珍陳寶梁敦琛彥劉廷琛袁大化張鎮芳

事由單

五月十六日

前欽天監監正恒安右監副司秉衡前新疆巡撫聯魁前典禮院直學士毓善

前內閣叙官局局長寶銘署提學使江西勸業道傅春官前江西廣饒九南

兵備道保恆前郵傳部候補參議奕壽均請 安奉 旨知道了

陸軍部尙書雷震春在 紫禁城內騎馬謝 恩奉 旨知道了

吳炳湘授民政部左侍郎兼署京師巡警總廳廳丞謝 恩奉 旨知道

了

陳毅授郵傳部右侍郎章棫授學部左丞黎 枝授學部右丞謝 恩奉

旨知道了

京兆財政廳廳長陳昌呈毅進 賀摺並請 安奉 旨知道了賀摺

留

署江西分巡南瑞袁臨兵備道楊會康請 安奉 旨知道了

康有爲 賞頭品頂戴並二人肩輿謝 恩奉 旨知道了

楊壽枏授度支部左侍郎謝 恩並請 安奉 旨知道了

黃承恩授度支部右侍郎謝 恩並請 安奉 旨知道了

翰林院侍講學士薛寶辰試署福建交涉司使吳錡奉天提法司使吳鈞均請

安奉 旨知道了

孟恩遠授吉林巡撫謝 恩並請假

鈕傳善督辦全國菸酒事宜並

賞加侍郎銜謝

恩奉

旨知道了

張勳等奏請復辟摺

(一)張勳等奏爲國本動搖人心思舊合詞籲請復辟以拯生靈摺 奏爲國本動搖，人心思舊，謹合詞籲請 復辟 以拯生靈 恭摺仰祈

聖鑒事 竊經國以綱紀爲先 救時以根本爲重 我 朝開基忠厚

聖 聖相承 立教則首尙人倫 敷政則勤求民隱是以 皇

靈赫濯 敬者懷若 帝天 化澤涵濡 愛者載如父母 雖經髮

捻寇氛之巨 卒 二三大臣 効忠疆場 用能削平禍亂 弼我不基

蓋 仁澤入人既深 而 王綱又足以維繫之也 廿載以來 學者

醉心歐化 奸民結集潢池 兩者相資 遂成辛亥之變 孝定景皇后

不忍以一姓之尊榮 罹萬民於塗炭 勉徇所請 詔設臨時政府 原

冀惠安黎庶 止息干戈 豈意根本動搖 竟以安民之心 助彼厲民之  
虐 彼時臣勳臣國璋等 孤軍血戰 莫克回天 嗣冲臣懷芝等 雖  
力遏妖氛 卒難盪決 貽憂 君國 寢饋難安 忠憤填胸 積年成  
瘡 然不敢不仰承 廟略 倖冀昇平 蒙難艱貞 於茲七載 乃共  
和實行以後 上下皆以黨賄爲爭端 各便私圖 以貪濟暴 道德淪喪  
民怨沸騰 內外紛呶 迄無寧歲 蒼黎凋瘵 逃死無門 此實非  
孝定景皇 遜政之初心 我 皇上所當收回政權 實行安民  
以仰承 先志者也 臣等伏查列強之世 非建股鞏固帝國 不足  
以圖存 此義近爲各國所主張 尤深合吾民之心理 以中國之皇王神  
聖 代有留貽 規復典章 易於反掌 而我 皇上英姿天挺  
聖學日昭 雖在 冲齡 睿逾往聖 况當机隍之運 曾無七鬯之

驚 天殆默祐 聖躬 以宏濟艱難 俾延無疆之祚 而吾民迭  
嬰荼毒 尤徯 后以來蘇 臣等蒿目時艱 痛心天禍 外察各國旁  
觀之論 內審民國真實之情 靡不謂共和政體 不適吾民 實不能復  
以四百兆人民 敲骨吸髓之餘生 供數十政客毀瓦畫墁之兒戲 非  
后何戴 窮則呼天 臣等反復密商 公同盟誓 謹代表二十二省軍  
民真意 恭請我 皇上收回政權 復御 震極 爲五族子臣  
之主 定宇內一統之規 臣等內外軍民 誓共効命竭忠 保義 皇  
室 伏懇我 皇 大慈至德 俯允所請 天下幸甚 所有國本動搖  
人心思舊 合詞籲請 復辟各緣由 謹恭摺具陳伏乞 皇上聖  
鑒訓示施行 謹奏 宣統九年五月十三日 一二瞿鴻禨等奏爲國勢岌  
危人心渙散合詞籲懇御極聽政以順人心摺 奏爲國勢岌危 人心渙散

謹合詞籲懇 御極聽政 以順天人 恭摺仰祈 聖鑒事 竊惟我

朝忠厚開基 列祖 列宗 纘緒相承 無不以勤政愛民爲

讓烈心傳之本 而臣民涵濡 化澤逾二百年 亦無不祝 奕禩

之縣長 樂生成於 覆幬 此我國上下人心之眞象也辛亥難作奸宄

乘機 孝定景皇后不忍以一姓之尊榮 致萬民之塗炭 勉徇遜政

冀遏亂源 當日輿情 雖痛憾政府之蒙蔽 聖聰 以貽憂 君國

亦窺見委曲求濟 爲 朝廷不得已之苦心 乃自臨時政府組織以

來 天下騷然 迄無寧歲 名曰共和政體 而上自舉總統 下至選議

員 中及於組織閣員 無不以私黨相爭持 以賄賂相取予 是以府閣

議院之際 黨與賄事通交爭 而貪盜苛刻以濟之 故影響動及於全國

以致財源枯竭 四民流離 國本動搖 危如累卵 猶復昌言廢孔蔑



棄彝倫 潰禮義之大防 以倡爲禽獸 神怒民怨 不可終朝 揆諸宣  
統初元 不啻自水深火熱之中 以望衽席 此固非 景皇后遜政之  
初志 抑豈我 皇上愛民之本心乎 臣等謹查中國以君主立國越四千  
年 而三綱五常 乃君主立國之本 蓋積家爲國 造端倫常 天倫有  
兄弟而序其長幼 必先繫于於父 人倫有朋友而析及男女必別 繫婦  
於夫 納五常於三綱之中 即以君綱揭其領 大綱旣振 小綱皆舉  
斯亂萌無自發生 故眞能愛國之民鮮不愛君 而眞能愛民之君 卽爲  
愛國 反是者今日之亂而已矣 七年以來 創鉅痛深 內外 民臣咸  
思 舊主 而我皇上英姿天挺 聖學日昭 本已饑已溺之懷 應天視  
民視之運 此誠千載而一遇也 臣等仰受 國恩 竊懷私憤 以主  
憂臣辱之義 奔走海內 徒以事權莫屬 無補涓埃 耿耿此心 積憂

如疾 竊見前署兩江督臣張勳等 忠肝義膽 炳若日星 疊與往復密  
商 亦以時機未成 葵忱莫遂 茲值黨爭激烈 震盪全邦 共和不良  
盡人皆見 臣張勳 倪嗣冲 及各疆臣等 規摹遠大 倡見義旗 同  
德同心 共匡 王室 修桓文之盛業 上掃周宗 澆漓之妖氛誓  
光夏物 臣等無狀 夙夜瘁心 久懷捧日之誠 幸慰回天之願 風聲  
所播 天下臚騶 伏乞 睿斷早施 親裁大政 上以纘 謨烈於  
列聖 卽下以拯水火於神州 纘 后來蘇慰雲霓之渴望 維皇建  
極 媲日月之重光 天下幸甚 萬世幸甚 所有國勢阽危 人心渙散  
合詞籲懇 聽政各緣由 謹恭 具陳伏乞 皇上聖鑒訓示施行  
謹奏

張勳之通電

特別萬急南京馮華帥齊震帥保定曹仲帥范師長天津

朱經帥馬廠李師長蚌埠倪丹帥濟南張志帥張幫辦開封趙倜帥田煥  
帥奉天張雨帥北鎮馮幫辦齊齊哈爾許幫辦吉林孟樹帥郭調帥武昌  
王春帥長沙譚組帥岳州吳司令南昌李秀帥戚升帥杭州楊述帥齊照  
帥龍華盧護軍使福州李培帥南甯陸幹帥譚軍帥桂林劉浩帥廣州陳  
軍帥朱紫帥瓊州龍督辦成都戴循帥劉師長雲南唐蕓帥貴陽劉汝帥  
西安陳伯帥鄭州張師長太原閻軍帥蘭州張勛帥新疆楊鼎帥熱河姜  
都統綏遠王都統察哈爾田都統並轉各幫辦各鎮守使各師旅長均鑒  
自頃政象譎奇中原鼎沸蒙兵未解南耗旋驚政府幾等贅旒疲氓迄無  
安枕怵內訌之孔亟虞外侮之紛乘全國飄搖靡知所屆勳惟治國猶之  
治病必先洞其癥結而後攻達易爲功衛國猶之衛身必先定其心君而  
後清竈可長保既同處厝火積薪之會當愈勵揮戈返日之忠不敢不掬

此血誠爲天下正言以告溯自辛亥武昌兵變創改共和綱紀墮積老成絕迹暴民橫恣宵小把持獎盜魁爲偉人以死囚爲烈士議會倚亂民爲後盾閣員恃私黨爲護符以濫借外債爲理財以剝削民脂爲裕課以壓抑善良爲自治以摧折耆宿爲開通或廣布謠言而號爲輿論或密行輸欸而託爲外交無非恃賣國爲謀國之工借立法爲舞法之具馴致昌言廢孔立召神恫悖禮害羣率由獸行以故道德淪喪法度凌夷匪黨縱橫餓殍載道一農之產旣厄於訛詐復厄於誅求一商之貲非耗於官捐卽耗於盜劫凡在位者侵吞賄賂交濟其奸名爲民國而不知爲民稱爲國民而不知有國至今日民窮財盡而國本亦不免動搖莫非國體不良遂至此極卽此次政爭伊始不過中央略失其平若在紀綱稍振之時焉有輾轉不解之慮乃竟兵連方鎮險象環生一二日間瀰漫大地迄今內蒙

獨立尙未取消西南亂機時虞竊發國會雖經解散政府久聽虛懸總理既爲內外所不承仍即覲然通告就職政令所及不出都門於是退職議員公誡總統之言爲僞令推原禍始實以共和爲之厲階且國體既號共和總統必須選舉權利所在人懷倖心而選舉之期又僅以五年爲限五年更一總統則一大亂一年或數月更一總理則一小亂選舉無已時亂亦無已時小民何辜動罹荼毒以視君主世及猶得享數百年或數十年之幸福者相距安啻天淵利病較然何能曲諱或有謂國體既定共和尙輕予更張恐滋紛擾不若擁護現任總統或另舉繼任總統之爲便者不知總統違法之說已爲天下詬病之資聲譽旣隳威信亦失強爲擁護終不自安倘日後迫以陷險之機詎若目前完其全身之術愛人以德取害從輕自不必伴予推崇轉傷忠厚至若另行推選刻期繼任詎敢謂海內

魁碩並世絕無其人然在位者地醜德齊莫能相下在野者資輕力薄孰願率從縱欲別揀元良一時亦難其選蓋總統之職位高權重有其才而無其德往者既時蓄野心有其德而無其才繼者乃徒供牽鼻重以南北趨嚮不無異同選在北則南爭選在南則北爭爭端相尋而國已非其國矣默察時勢人情與其襲共和之虛名取滅亡之實禍何如屏除黨見改建一鞏固帝國以競存於列強之間此義近爲東西各國所主張全球幾無異議中國本爲數千年君主之制聖賢繼踵代有留貽制治之方較各國爲尤順然則爲時勢計莫如規復君主爲名教計更莫如推載舊君此心此理八表攸同伏思大清忠厚開基救民水火其得天下之正遠邁漢唐二祖七宗以聖繼聖我 聖祖仁皇帝聖神文武冠絕古今歷傳至我 德宗景皇帝時勢多艱憂勤尤亟試考史成載筆歷朝愛民

之政如普免錢糧蠲頒內帑多爲曠古所無卽至辛亥用兵 孝定

景皇后寧舍一姓之尊榮不忍萬民之塗炭仁慈至意淪浹人心海內喁喁謳思不已千百年後平心論事謂爲亡國夫豈其然昔少康以從靡之師而光夏物宣王以召伯之輔而復周宗功在千秋至今不朽前者

朝廷遜政另置臨時政府原謂試行共和之後足以弭亂綏民今共和已閱六年而變亂相尋未已仍以 諭旨收回政柄實與初旨相符以視夏周中興尤屬事半功倍我 皇上冲齡典學遵時養晦國內迭經

大難而深宮七鬯無驚近且聖學日昭德音四被可知天佑清祚特畀我皇上以非常睿智庶應運而施其撥亂反正之功祖澤靈長於茲益顯勳等枕戈勵志六載於茲橫覽中原陸沈滋懼比乃猝逢時變來會上京竊以爲暫偷一日之安自不如速定萬年之計徵之於古旣如彼徵之

於今又如此大勢所嚮天與人歸此固非勳等一人之私言實中外人心之公理業已熟商內外文武衆議僉同謹於本日合詞奏請 皇上復辟以植國本而固人心庶幾上有以仰慰 列聖之靈下有以俯慰

羣生之望風聲所樹海內景從凡我同胞皆屬先朝舊臣受恩深重即軍民人等亦皆食毛踐土世沐生成接電後應即遵用正朔懸掛龍旗國難方殷時乎不再及今淬厲尙有可爲本羣下尊王愛國之至心定大清國阜民康之鴻業凡百君子當共鑒之張勳王士珍江朝宗陳光遠李進才蔡成勳張永成劉金標劉富有張錫元吳長植李魁元蕭安國陸錦吳炳湘元印

復辟發表後。清室方面。意雖不欲。心實志忑。卽俗所謂生米已做成了熟飯。則亦希望各省不再反對。或威劫利誘。以收拾一時人心。據聞清室自太妃以次



如載灃世續。以及其保傅梁鼎芬劉廷琛等。曾於宮中開一秘密會議。其所決定之方針。則自復辟以後。一切對內對外政務。均聽張勳一人處決。如果人心歸附。弄假成真。然後再徐徐設法。假借一種名目。將張勳貶謫。使不致專擅政局。否則各省如發起義師。聲罪致討時。則一切罪過。悉諉諸張勳身上。清室一面可不負此責任。故自七月一號復辟實行後。即依此方針。凡用人行政等等。事無鉅細。悉聽勳一人專制。清室絕不過問。勳亦以大柄在握。爲所欲爲。所有僞諭。皆屬諸萬繩杖草擬。萬則一燈寸禿。夜深搆思。每一稿成。即由勳袖入清宮。白溥儀。有時或竟不陳達。逕交印鑄局頒發。載諸內閣官報。（按清時憲政編查館成立。以一切法律政令不可無專一發表之機關。乃創設此報。初名政治官報。未幾慶王奕劻總理內閣。復更名爲內閣官報。民國告成。改正爲政府公報。至此。次復辟後。復恢復舊名曰內閣官報。）雖同一閣丞。如胡嗣瑗。尙未

得參聞機要。其餘六議政大臣。則坐而畫諾而已。願中有最不堪者。則康有爲是已。康之最初入京也。滿抱一腔野心。思如戊戌故事。凡一切軍國大政。必先經其指示。然後發布。至是見勳一人專斷。絕無與人以參預餘地。意大懊喪。然亦無如勳何。惟聊借以自慰者。則以一區區已革之工部六品主事。一擢而爲弼德院副院長。再擢而得頭品頂戴。三擢而得紫禁城內賞坐二人肩輿。慰情勝無聊以解嘲。不然何敢望此。雖然康固野心家。夙以聖人自居者。今以二十年之奔波跋涉。其結果乃僅贏得此名不副實之頭銜。其缺望蓋可想也。勳之專擅政權。爲清室所默許。然外支如濤洵輩。又何能知此。復辟後。乃密結於勳。欲求如清季故事。仍許親貴用事。願第一日僞諭。曾有誓約九條。中列嚴禁親貴干政一事。洵濤者固近支親貴。溥儀之嫡叔也。於例不得干政事。勳雖心識之。然喜其媚己。以爲天潢貴胄。能卑屈下己如是。意稍稍動。願環視內外。

官秩非洵濤所甘就。且亦非洵濤所能任。惟禁衛軍軍統一席。故爲載濤任軍諮府時所兼轄。因思任濤爲正司令。洵爲副司令。以饜其望。且於時尙或可收爲己用。議垂成矣。

勳乃屬萬繩杖草擬僞諭稿成袖以白溥儀。先是洵濤之結勳求事也。事爲載濤所聞。以陳諸太妃。太妃懼以爲復辟之舉。尙未得各省贊成。清室方在引嫌自避中。不可使近支親貴涉足其際。且當時密議曾決定一切用人行政。任勳自爲清室暫不過問。若以洵濤任禁衛軍司令。是不特自棄前議。萬一民國再造。將無所藉口以塞國人。用密囑溥儀。使阻勳暫毋發表。一面又舉其意以諭洵濤。俾不作斯妄念。及勳以僞諭進。儀乃佯詰之曰。載洵載濤任禁衛軍正副司令。是何人出的主意。勳乃具述其意。謂洵濤自求。臣不敢固却其請。用以是瀆負勳。儀乃復諭勳曰。前日上諭中有誓約九條。親貴不得干政。卽居其一。使

以洵濤任司令。將何以取信國民。朕意此事決不可發表。免貽天下口實。如洵濤再來請求。即傳朕意不許可也。勳唯唯而退。事亦遂寢。

復辟發表之日。勳慮近畿軍隊。或有反對此事者。乃密調辦軍入城。凡天安門東華門新華門諸要地。均由其守衛。然辦軍本係充徐一帶無賴。號稱無紀之師。至是均三三五五。齎集於各門內外。或臥或坐。狀至億懣。然餉糈之厚。獨較近畿各師爲優。勳以復辟之舉。欲藉其力以集大功。故對於所部軍隊。媚之惟恐不盡。時中央財政已於十分困難。勳威劫利誘。百方收括。終無效果。蓋是時各省解款。已全數截留。而每月所恃以挹注之鹽款。則又經銀團扣留。暫不撥交。勳外窮兵力。內困財政。恒引以爲憂。適近畿某師向勳請餉。勳知無以應。乃給之曰。若要軍餉。可向度支部尙書張鎮芳討去。因如言抵度支部。覓張鎮芳。願張亦妙手空空者。遽先期避去。嗣復謁勳獻計曰。現在國帑空虛。巧婦做不

得無米。炊某現有一計。在皇室內。帑盈千累。萬我輩既爲皇上家出力。道難尙吝。此區區而不予界乎。大帥明日儘可向皇上家要去。勳無奈遽如言以陳諸太妃。於是翌日僞諭有頒發內帑十萬元犒賞京師軍警之事。然實非不得已也。

### 第六節 討逆軍之聲勢

此次張勳妄行復辟。事機詭密。可稱已極。故都中要人。多不知其禍臨眉睫者。獨在野之段公合肥。却預聞其事。當復辟發表之前三日。合肥遣其親信某。密告黃陂。具述勳有復辟之舉。勳請黃陂嚴爲之備。黃陂以張勳終日往來府院。且矢誓絕不爲復辟事。故未肯親信。越日合肥探知逆事急。都中毫無戒備。復密書抵黃陂。略謂前使之言。毋作輕視。顧逆謀垂成矣。雖備且不及。民國命脈。在茲一息。惟元首善圖之。能爭則爭。不能爭則死。使真能殉國以符令名。則後

此之擁護共和者。固大有人在。而元首之名亦千古矣。云云。黃陂得書大震。始信前言非虛。猶謂張勳不日回防。即有此事。亦非一二日所能發表。從事戒備。猶爲未晚。故連召張勳入府。均託詞未往。不意僅隔一日。復辟之事。即形爆發。公府竟被辦兵監視。黃陂身處危境。無力抵抗。張勳又偪讓公府。黃陂乃冒雨携唐仲寅等退避日使館。致發東冬各電。通告全國云。茲將電文列左。

黃陂東日通電一 本日張巡閱使率兵入城實行復辟斷絕交通派梁鼎芬等來府遊說元洪嚴詞拒絕誓不承認副總統擁護共和當必有善後之策特聞元洪東

東日通電二 天不悔禍復辟實行聞本日清室上諭有元洪奏請歸政等語不勝駭異吾國由專制爲共和實出五族人民之公意元洪受國民付託之重自當始終民國不知其他特此奉聞藉免誤會元洪東

東日通電三 南京馮副總統南甯陸巡閱使各省督軍省長並轉省議會暨各鎮守使各師旅長熱河察哈爾綏遠都統龍華盧護軍使甯夏馬護軍使上海薩總長程總司令並轉各艦隊長孫中山先生伍秩庸先生章太炎先生唐少川先生岑雲階先生天津徐菊人先生段芝泉先生熊秉三先生梁任公湯濟武廣州李協和先生叙府羅前督軍岳州吳總司令均鑒國家不幸患難相尋前因憲法爭持致啟兵端安徽督軍張勳願任調停之責由國務總理李經羲主張招致入京共商國是甫至天津首請解散國會在京各員屢次聲稱保全國家統一起見委曲相從刻正組織內閣期速完成以圖補救不料昨晚十二點鐘突接報告張勳主張復辟先將電報局派兵占領今晨梁鼎芬等入府面稱先朝舊物應即歸還等語當經痛加責斥逐出府外風聞彼等業已發出通電數道何人名義

內容如何概不得知元洪負國民負託之重本擬一俟內閣成立秩序稍復即行辭職以謝國民今既枝節橫生張勳胆敢以一人之野心破壞羣力建造之邦基及世界各國公認之國體是果何事敢卸仔肩時局至此諸公夙懷愛國遠過元洪佇望迅即出師共圖討賊以期復我共和而救危亡無任迫切臨電涕泣不知所云如有電復即希由路透公司轉交爲盼黎元洪東印（此電由金永炎代發）

冬日致南京馮副總統電丞通電 南京馮副總統鑒東日兩電計達此次政變猝生致搖國體元洪不德統御無方負疚國民飲痛何極都中情形日趨險惡元洪既不能執行職權民國勢將中斷我公同受國民重託應請依照約法第四十二條暨大總統選舉法第五條暫在軍府代行大總統職權目前交通梗絕印綬齎送深虞艱阻現已任命段芝泉爲國務



總理並令暫行護攝設法轉呈此後一切救國大計務請我公與芝泉協力進行事機危迫我公義無旁貸臨電翹企不盡區區元洪冬

馮河間及段合肥接黃陂東冬各電後憤慨已極合肥遂於復辟之當日奔赴馬廠誓師討逆更通電各省一致進行旋推合肥任討逆軍總司令未幾而直魯皖豫秦晉察哈爾及京畿一帶各出重兵北上并宣布張勳罪狀一致聲討合肥當委段芝貴爲東路司令以李長泰副之委曹錕爲西路司令以范國璋副之委陳光遠爲中路司令以張永成副之委倪嗣冲爲南路司令以張敬堯副之復將出發各省隊軍共編成十九個縱隊軍容整肅勇氣勃勃大有滅此朝食之概茲將各省討逆通電擇要列左。

馮河間討逆電文 陸巡閱使督軍省長各都統各鎮守使護軍使海軍總司令朱交涉員提督司令各報館均鑒國家以人民爲主體經一度之

改革人民即受一度之苦痛國璋在前清時代本非主張革命之人迨辛亥事起大勢所趨製成民國孝定景皇后禪讓於前優待條件保障於後共知國體民已安之約法謀叛民國者雖大總統不能免於裁判清皇室亦有倡議復辟置諸重典之宣言誠以民生不可復擾國基不可再搖處共和國體之下而言帝制無論何人即爲革命璋今日之不贊成復辟亦猶前之不主張革命所以保民國亦所以安清室皇天后土共鑒此心乃安徽督軍張勳奉令入京調停時局忽以兵力圍護清宮逼勒清帝擅行復辟自稱政務總長議政大臣又捏造大總統與陸巡閱使暨國璋勸進之偽奏進退百僚行同兒戲夫禪讓之詔優待之條著在史書傳爲佳話今乃一切破壞之玩冲人於股掌遺清室以至危是謂不義自民國成立延及三年方得各國之承認變更國體是何等事今以各國承認之民國

變而爲非國際團體之帝國以一手掩盡天下耳目中外疑怪駭人聽聞是謂不智近年國家多故天災流行金融滯塞商民愁苦正賴安居樂業民可小休乃無故稱兵閭閻惶惑分裂之端已兆生民之禍安窮是謂不仁保全元首擁護共和各省均有宣言即該督軍亦電稱不得別圖擁戴乃狐埋狐猾反復無常欺詐同袍蔑視國法是謂不信若任其橫行不加聲討彼恃京師爲營窟挾幼帝以居奇手握主權口含天憲名器由其假借度支供其虛糜化文明爲野蠻委法律於草莽此而可忍何以國爲是用誓掃妖氛恭行天罰刻日興師問罪誅此元凶諸公憂國之忱過於國璋尙望慨賦同仇各據義憤敢吐肝鬲佇盼玉音國璋着

湯化龍通電 南京副總統武鳴陸巡閱使各省督軍省長各鎮守使上海護軍使各都統各省議會商會各報館均鑒天禍中國變亂相尋張勳

包藏禍心悍然復辟此誠國人致死討賊之秋也化龍於武昌之役與今大總統黎公同爲致身民國之一人今民國中危總統受刦誓與國賊不兩立化龍一書生耳義之所在不敢不勉况權力局量逾於化龍萬萬者乎苟有作者雖爲之肝腦塗地所弗辭矣湯化龍東

廣西督軍省長反對復辟電 此京王參謀總長各部總長探送張巡閱使鑒南京馮副總統均鑒南寧陸巡閱各省督軍省長各都統龍華寧夏護軍使瓊州龍督辦岳州吳司令馬廠李師長鈞鑒復辟事實斷不能行熊秉三先生青電痛陳利害欽佩敬服又經蘇贛滇黔等省一致反對當此內憂外患風雨飄搖若國體萬一變更亡無日矣陸巡閱使銑電云祇知維持共和擁護元首浩明承恩同此宗旨極端贊成區區愚忱尙祈鑒納譚浩明劉承恩養印

湯薈銘致各省通電 天禍中國政潮迭起帝孽乘隙公然叛國僞電飛來莫名駭怪夫中華民國乃人民以無量數鐵血鑄造而成凡屬國民均有愛護維持之責倘敢破壞罪在必誅乃有張勳等偕調停政局爲名擅帶逆兵盤據國都前日竟敢通電全國自傳僞令宣言復辟自命閣臣尤敢大胆妄爲迫脅黎大總統盜竊馮副總統名義矯稱奏請歸政欲以一手掩盡天下耳目夫張勳一貪黷無厭之武丈夫耳豈真忠於清室不過利用冲幼挾僞令以號諸侯藉爲篡奪大位之初步而已殊不知辛亥迄今屢有改革順民意則無功弗成逆民意則不擊自斃項城覆轍殷鑒不遠蓋革帝制之命所以應世界之潮流革惡法之命所以謀政治之改善若革共和之命即不啻與四萬萬同胞爲敵此在終必無幸况張勳率數千騎兵悍卒橫行都下獨食厚糈要索無厭帑藏有限固可立待我國民

奮袂以興誅此逆賊猶以湯沃雪順存逆亡公理可恃原不足慮所不能已於言者以堂堂民國首都之地竟任此賊劫持元首矯誣疆吏設諸公稍事迴遲等於默認則是我軍人放棄護國之責任恐耽耽於旁者將起而代庖也須知勳猙獠恣肆匪伊朝夕特今日始暴形畢露上年南京會議時勳獨持異議阻禁湘省代表發言薌銘曾經通電各省聲罪致討此賊未除卒爲今患追念往事切齒痛心薌銘一息尙存誓不與賊同在宵壤敢乞公等會舉義師速撲此獠夙託袍澤之誼願執鞭弭以從還我共和責在吾曹謹掬血悃敬賦無衣湯薌銘印

湯薌銘致海軍同人電 溯當滿清末造帝政黑暗怨毒彌天賴海內志士心勅雷霆奮關昏莽復得光復諸先烈糜軀捐頂誠貫金石迺得創造共和改建民國其中險阻艱危楮墨難罄辛亥與義我海軍同人轉戰江

湖出生入死効負弩先驅之任建水陸并進之威民軍告捷帝魔以擢雖  
天職所在未敢言功然一念共和誕育之艱應永矢捍衛扶持之志乃者  
天禍中國政潮迭起浮言胥動帝孽乃作七月一日張勳等竟敢假宣統  
名義擅傳上諭昌言復辟并敢矯誣黎大總統我外省疆吏以爲欺蒙愚  
民之計僞電飛來莫名駭怪凡我同志諒無不痛心疾首須知國家爲億  
萬人民之公產決非一人所得私俄以君權強大聞於世界近因民氣勃  
發咄嗟之間君后幽囚足見共和政治已爲世界潮流所趨正如倒海崩  
山斷非人力所能遏禁項城嘗試當以自殺覆轍相尋可爲殷鑒張勳等  
竟敢利用冲幼背叛民國據竊政柄覬圖非分凡有血氣誓不與共戴天  
我軍人護國保邦責無旁貸有賊不討咎戾滋大當袁氏稱帝時張勳於  
南京會議席上阻止湘省代表發言鳴鼓而攻迹其專橫恣肆早知其禍

我民國曾經通電各省同志聲罪致討墨藩未乾逆燄竟熾睨彼兇頑憤恨曷已諸公于城民國功在旂常尙望高騫義幟迅掃逆氛薌銘粗聞軍旅敢昧素心願執鞭弭以從再賡袍澤之什敬效先鳴願聞宏響湯薌銘印

任可澄通電 南京副總統武鳴陸巡閱使各省督軍省長護軍使鎮守使師旅長各商會各報館均鑒民國不幸禍變相尋妖孽張勳敢行復辟夫五旗共和國以立危及國本法在不赦張勳躬爲叛逆是爲民國罪人清廷遜位備承優待末運之隆古無與比乃張勳必欲厝之爐火是爲清室賊臣張勳無賴本不知國爲何物今時何世鹵莽滅裂逆施倒行除以武力鋤而去之外更無情理可言願猶有爲之辭者輒曰共和不適非更張不可爲理夫二十世紀之國家君主已在不適之列俄皇室之威



力什倍前清乃亦變起非常不免望夷之事此外各國來軫相接日暮可  
期大勢所趨莫或能抗是此事終無可免適否已無可言藉曰共和不適  
則試問前清末年之政象何如吾國人雖甚健忘亦何至惑此邪說蓋民  
國之不振非關國體乃在政治而政事之敗壞則治人治法二者交譏夫  
開創之世重人而守成之世重法理無可易民國以來始因人而立法繼  
行法之非人鬻卷戕囊擾擾六載政府國會政黨各走極端日以奉法爲  
言實無時不自亂於法外此真可爲痛哭者然欲言治法惟當求之立法  
之人欽言治人亦惟有我國民痛自湔滌固非一納之皇帝陛下統治之  
下遂得曰有人有法也凡此淺薄論議可勿費論惟事實上之解決宜速  
定計竊以今總統蒙難全國洶洶於無政府地位惟有速就適宜地點組  
織臨時機關通告各友邦使國際上之關係不至中斷一方聯合諸軍尅

目討賊中華民國其庶有豸否則內亂遷延實有不堪設想者我邦人諸友手定共和死者擲無量之頭顱生者拋幾許之心血必不與張勳逆賊共戴一天即在清室宗臣勝朝遺老亦當知復辟之事有百害於清室欲延清室垂盡之命惟有奮起討賊與國民爲一致之行動可澄一介書生羌無權勇徒以辛亥乙卯之役久已致身民國時勢至今義無可避亦當捐其頂踵以從國人謹電陳詞盼跂羣策任可澄冬

廣東朱慶瀾通電（上略）頃據京電張勳推宣統復辟已成事實駭異殊深查世界國家之存立乃由人民團體結合組織而成是以世界國家只有由君主國進化而爲共和斷無破壞已成之共和國反而爲君主之理良以共和國家者乃大多數人民結合之公組體而非一人一家之私產物也我中華民國成立於今六年當夫草創之初世界各國對於我國

民是否有建設共和國家之能力殊懷疑義嗣經我全國人民堅持毅力同心建造幾經困難始得鞏固共和之初基而爲世界各國所承認今世界各國中遂得有中華民國之存在者乃我國肝腦塗地出死方以求而得之之代價物也張勳何人竟違反民意背叛共和擅爲變更國體之謀主張實行復辟之制若不即行聲罪致討世界各國將謂我國無人國民若不自愛其國雖欲不受亡國滅種之禍而不可得國民而果自愛其國雖有敵國外患侵受逼迫僅我一人一騎猶將爲最後之圖存張勳今日既有背叛國家之行爲我國民卽行鋤而去之以回復我共和國家之原狀俾世界各國認我中華民國有存立於世界之價值若我國民而竟因循苟且不能自行鋤去惡種聽其滋蔓是不啻我國對於世界各國表示依賴難與婦稚弱行則亡國滅種之禍遂不難相迫以俱來此正我國家

之志士仁人合力同心之會生死存亡之日也抑慶瀾更有請者查我國自建設共和以來奸謀小人僉邪餘孽倡爲南北派別之說新舊黨見之爭時時以之煽惑人心搖惑觀聽當日國體由於全國民意共和建設已歷六年既無南北之分國民更何有新舊之見慶瀾敢以此號於衆曰我中華民國者我中華民國結晶體而我中華民國者固無南北無新舊無黨見無派別之純粹共和國民也慶瀾忝爲廣東省長又身爲民國軍人今敢以此義敬告我各省督軍省長及我全國軍人曰我軍人既爲我國民所仰望爲擁護國家之軍人今而有傾除我共和顛覆我國家之逆我軍人若不能即伸正義以除奸究其將何以盡軍人之天職其將何以慰國民父老之企望慶瀾不敏已厲兵秣馬誓執鞭鐙以效前驅人之愛國誰不如我我各督軍省長及我全體軍人其一致擁護共和無南北無新

舊無派別無黨見慶瀾敢進爲一言曰以我全體軍人團體而除減少數之奸謀小人僉邪餘孽以回復我共和國家原狀不過一反手之勞而已望我各督軍皆長及我全體軍人一致進行以謀我國家之存在至於北京政府今既爲奸邪所困陷我南京馮副總統所以爲回復共和國家之大計者必更有領袖國民精神之所在此又慶瀾謹馨香以求之者也敢布腹心尙乞垂鑒廣東省長朱慶瀾叩江

討逆軍東路司令布告 討逆軍東路司令段芝貴謹掬誠瀝血告我全國父老昆弟及我同袍之將校士卒曰嗚呼天禍中華生此謬醜以變國體爲兒戲以紊亂邦憲法爲本能託名復辟以禍舊君仇視共和以牟私利如逆賊張勳者蓋我五族同胞四萬萬衆之公敵也該逆初以輿臺廁身廁養納交閹宦遂列偏裨時值晚清洊竊高位該逆匪特不知歛戢抑

且更肆披猖儲胥則盡飽私囊俳優則延爲座客凶馘日熾穢德彰聞誠狎客之渠魁實武人之蝨賊洎乎改革咸與維新盡棄前瑕俾仍古職屬以癸丑之役規復江南該逆故縱師徒廣爲淫戮南人切齒東鄰責言政府軫念輿情量移他職而該逆猶復辟抗不交替大肆要求藉口移營坐侵巨帑迄於近歲改鎮徐州軍紀愈焚野心熾愈昌言政治按之皆非法之讐言每有條陳無一非越權之謬舉此皆往事無待復陳凡同人定能迴憶乃者政紛偶見難待紓該逆以調停時局之名行推倒共和之實稱兵向闕列戟奪門遂有本月一日之奇變嗚乎痛哉該逆身犯刑章口含天憲袖中詔旨問幼主而不知陛下拜颺動宮闈之痛哭對於愛護共和之元首則厚誣以歸政之文對於主張民憲之督軍則橫捏以推戴之電對於服務國民之行政官吏則任意芟夷對於服從命令之軍警長官則

暴行脅迫，稱元輔自辟羣僚，盤踞中央，宰制天下，蓋巨懷君孟德之心，而兼董卓朱溫之惡者也。芝貴昔官軍府，亦既有年，該逆叛德，未彰謬稱，知好窺其談論，知有異謀，搆遂本誠曲爲開示，即最近徐州旅次，猶爲該逆委婉言之，無如告者諄諄聽者藐藐，迄於近頃，遂釀鞠凶，夫國體久定，共和詎能以己意返立君之舊清帝，實行揖讓以所享歷年優待之榮，今則該逆挾冲齡乘拱之舊君而被以居高臨危之重任，名爲愛清室也，實則禍清室而有餘，名爲利國家也，實則置國家於不顧，又况辛亥以後，改建共和，幾費經營，始具基礎，豈容該逆以個人之行動而犧牲全國締造之國家，以一己之凶私而違反億兆人心之好惡於民國爲不義於舊君爲不忠於法律則當服上刑於政治則謚爲元惡，此討逆軍所以糾合同仇，尅期成立也。芝貴奉

討逆軍總司令段總理祺瑞之命總師東路進薄京都但罪逆賊張勳一人以伸國憲其他官吏士卒之被脅從者概置不問大張撻伐誓殲渠魁邦人君子幸鑒血誠各抒宏謨共維國本他日共和再造政治刷新全國人民實利賴之豈惟芝貴拜其賜布告天下咸使聞之民國六年七月五日

張勳見各省討逆軍突起。近偪京師。深恐黃陂內應。乃偪走黃陂。當此之際。黃陂避居使館。既不能執行職務。而軍事倥傯。全國大事。無人主持。勢成無政府之狀況。黃陂冬日致河間一電。請其主持大計。代行總統職務。河間謙謙未即就職。各省遂一致電請河間早日正位。以安人心。茲錄黃陂及各省推戴河間就任通電如左。

江日通電報告出府 南京馮副總統各省督軍省長議會南寧陸巡閱使瓊州龍督辦重慶羅將軍各都統各護軍使各鎮守使各報館鑒東日



兩電冬日一電計達此次政變猝生致搖國體元洪負疚國民哀痛何窮已於本月冬日特任段芝泉總理國事並電請馮副總統依法代行職權在副總統未經正式代理以前一切機宜統由段總理便宜處理所有印信文件業經送津請段總理暫行攝護並設法轉送副座呈請接收再頃者公府衛隊猝被撤換催交三海元洪亦即移居醫院此後一切救國大計務請諸軍商承馮副總統段總理合力進行臨電翹企不盡區區元洪

江

段合肥請馮副總統座正位電 南京馮副總統鈞鑒國家多難凶逆阻兵莊嚴神都忽焉淪沒大總統陷在賊中失其自由舉國痛號不知所措祺瑞昨承鈞命密圖就近規復已馳至馬廠組織討逆軍司令部聯合近畿各軍尅期進剿業將檄文公布方略密呈在案惟是國之元首不可一

日盧今逆賊方挾清帝以爲重而我軍乃無所秉承曷能收統一之功效  
克敵之果查中華民國大總統選舉法第五條大總統不能執行職務時  
由副總統代理恭惟我副總統手創共和萬方宗仰當茲淪胥將及之秋  
循纓寇往救之義伏乞依法宣布早正名義庶人心有所維繫軍事克奏  
膚功除通電各省外謹率所部翹企待命討逆軍總司令陸軍上將段祺  
瑞叩江

又通電各省 各省督軍省長武鳴陸巡閱使熱河綏遠察哈爾都統上  
海護軍使各地鎮守使鑒國家多難凶逆阻兵莊嚴神都忽焉淪沒大總  
統陷在賊中失其自由舉國痛號不知所措祺瑞不敢荒匹夫之責已於  
日昨視師馬廠組織討逆軍傳檄規復惟是國家之元首不可一日虛合  
逆賊方挾清帝以爲重而我軍乃無所秉承曷能收統一之功致克敵之

果查中華民國大總統選舉法第五條大總統不能執行職務時由副總統代理祺瑞已電寧籲懇副座速正名義諸公卓見若同望即分途電呈請即日依法宣佈庶人心有所維繫軍事克奏膚功如何之處尙盼不覆  
祺瑞江

馮大總統通告就任電 萬急武鳴陸巡閱使天津段總理各省督軍省長承德歸化張家口各都統各護軍使各鎮守使各司令導河提督瓊州龍督辦名師長旅長暨前敵各司令上海薩總程總司令各艦隊司令均鑒張勳背叛民國變起京師茲奉到黎大總統冬日電開此次政變猝生致搖國體元洪不德統御無方負疚民國飲已痛極都中情形日趨險惡元洪既不能執行職國民權勢將中斷我公同受民國重託懇請依照約法第四十二條暨大總統選舉法第五條暫在軍府代行大總統職務目

前交通梗絕印綬齎送深虞艱阻現已任命段芝泉爲國務總理並令暫行攝護設法轉呈此後一切救機大計請我公與芝泉協力進行事機危迫我公義無旁貸臨電翹企不盡區區元洪冬等因又迭據段總理陸巡閱使各省督軍省長各都統各護軍使鎮守使各師長旅長暨各商民人等前後電請依法代理國璋自維薄德鮮能弗克負荷顧念我中華民國政權所寄未可虛懸法律事實兩無可諉興師討逆尤急待統一之令不得已爰於七月六日宣告代理布告原文業經電達所有組織政府事宜已電商段總理在津主持並急圖進兵規復京邑尙祈諸公各竭智能冀安區宇藐躬重寄日夕熒熒惟有誓以赤誠共圖効國而已倘不我棄願賜教之國璋魚印

馮大總統致段總理電萬火急天津段總理鑒特密代理布告文如下代

理大總統布告第一號黎大總統因故不能執行職務國璋依大總統選舉法第五條第二項謹行代理茲於七月六日就職特此布告等因即請執事副署由津公布閣員組織請斟酌見示此外更有何事應行趕辦者祈就意計所及示我周行通告外交團請即辦理印信收到暫留尊處此間一俟軍事布置妥貼即當北上國璋魚印

段總理覆馮大總統電 南京大總統鈞鑒特密就職命令業經副署啟用大總統小印即日公布嗣後命令用印擬即照此辦理隨時電呈鈞覽  
祺瑞魚印

天津國務院通告 大總統就職 巡閱使督軍省長各護軍使鎮守使各師旅長各都統龍督辦均鑒奉大總統布告第一號黎大總統因故不能執行職務國璋依大總統選舉法第五條第二項謹行代理茲於七月六日就職特此

布告等因特達國務院虞

第七節 兩軍之鏖戰及辦兵之潰敗

各省出兵討逆。西路司令之兵。晉抵長辛店。東路司令之兵。晉抵豐台附近。張勳不肯坐以待斃。籌備抵抗。雷震春致將陸軍部所存槍砲子彈。全數運送張勳。遂擬定西路取守勢。東路取攻勢。乃派出辦兵數千名。一枝至蘆溝。堵截西路。一枝至豐台。堵截東路。兩軍於七月六七等日。戰於萬莊。豐台。蘆溝橋一帶。而逆勳辦兵。皆淮徐一帶土匪乞丐。平日既少精密之訓練。臨敵更乏戰爭之知識。所有軍官。又皆數十年前之老軍務。只知拚命蠻進。並不知攻守之術。故一遇北洋久經文明訓練之精兵。不啻秋風掃葉。卵石相擊。是以萬莊。豐台。蘆溝橋一帶。連戰皆北。死亡大半。潰亡之餘。竄回京師。而共和軍乃直抵北京城下矣。當月初六日。兩軍鏖戰之際。南苑航空軍。又馭機入城。散布討逆檄文。張

勳知大勢已去。乃於六號晚。摺奏辭退議政大臣并北洋大臣之職。並請徐東海入京調停大局。自願回徐云。茲將張勳通電并航空軍檄文列左。

張勳辭職電 萬急各省督撫各提督各鎮守使各軍師旅長各省紳商  
學界同鑒我國自辛亥以還因政體不良之故六年四變迭起戰爭海內  
困窮人民殄瘁推原禍始罔非共和階之厲也勳以悲天憫人之懷而作  
拯溺救焚之計度非君主立憲政體無以順人心而回末劫欲行君主立  
憲政體則非復子明辟無以定民志而息紛爭此心耿耿天日爲昭所幸  
氣求聲應吾道不孤凡我同袍各省多與其謀東海河間尤深贊許信使  
往返俱有可徵前者各省督軍聚議徐州復經商及列諸計畫之一嗣以  
事機牽阻致有停頓然根本主義詎能變更現以天人會合倖告成功民  
不輟耕商不易市龍旗飄漾遍於都城萬衆臚歡咸歌復旦使各省本其

原議多數贊同何難再見太平不意二三政客因處地不同遂生門戶之見於是主張歧異各趨極端或故違本心率以意氣相向或反持私見而以專擅見規遽啟兵端集於畿輔人心惶恐輦轂動搖勳爲保持地方治安起見自不能不發兵抵禦戰爭旣起勝負難言設竟以此擾及宮廷禍延閭里甚且牽惹交涉喪失利權則誤國之咎當有任之者矣惟念此次舉義之由本以救國濟民爲志決無絲毫權利之私攬於其間旣遂初心亟當奉身引退况議政大臣之設原以興復伊始國會未成內閣無從負責若循制僅以委諸總理一人未免近於專斷不得已而取合議之制事屬權宜勳以稚魯武人濫膺斯選辭而後任方切慚惶爰於本日請旨以徐太傅輔政組織完全內閣召集國會議定憲法以符實行立憲之旨仔肩旣却負責有人當卽面陳辭職其在徐太傅未經蒞京以前所有一切



閣務統交王聘老暫行經營一俟諸事解決之後即行率隊回徐但使邦基永定漸躋富強勳亦何求若夫功罪惟有聽諸公論而已敢布腹心謹謝天下勳巧印

空軍討逆佈告文 爲佈告事照得駐京城內諸軍隊皆我同胞素無私怨惟以民國成立於今六載世界各國靡不欽頌張勳何人敢以私意背叛民國以復辟欺我全國人民並害清室且以倉卒專橫勢力迫脅京內同胞竟使素來擁護共和之軍人爲不忍糜爛計一時曲爲附和動搖國本塗炭生靈國儲不敏隨同志諸軍長後率領空軍以速解決惟念城內諸軍平日共事有同僚之誼乃先警告無論附和首逆尅日解散俯首投誠復我民國以副天下公意倘執迷不悟即以炸彈從事玉石俱焚後悔何追謹佈悃忱惟希鑒察特此佈告空軍討逆司令秦國鏞率飛行全體

人員 民國六年七月六號早五鐘飛擲警告

此時也。辦兵之主力隊。分屯於永定門南河沿天壇三處。扼要駐守。以防進攻。各司令以爲奪城進攻。京師秩序。必致騷亂。人民生命財產。殊屬危險。且各國使館俱在。不免殃及池魚。外人又出任調停。俾得和平解決。故停戰三日。提出條件三項。(一)保全張勳生命之危險。(二)取消清室帝制留其優待經費。(三)所有辦兵解除武裝繳械投誠。各國公使以此三條商之張勳。徐東海及江王諸要人。又反復勸說。張勳悍然倔強。急修戰備。不認調停之事。並出吾不能離兵。兵不能離械之蠻語。各公使知勳不可以理喻。乃通知段司令。辭謝調停之責。段公見勳逆怙惡不悛。難以和平解決。乃下令進攻。七月十二日三時許。曹司令部下。由彰儀門外舉放號槍。包圍北京之各軍。一齊出發。準備戰鬥。曹軍即入彰儀門。復將巨砲架在南橫街東下坡城隍廟一帶。直攻天壇。四時

南苑之第十二師。已入永定門。亦向天壇射擊。砲火劇烈。宛如除夕之萬家爆竹聲。鏖戰約有四小時。而天壇之定武軍統領李輔廷。力不能支。當即要求停戰。至十一時。而天壇辮軍之營門。高揭五色國旗。而天壇得完全收服矣。至南河沿勳宅一帶。佈戰最嚴。巨砲機關鎗。扼要布滿。南苑之第十二師。暨近畿第一旅等軍隊。由齊化門安定門闖入。一路由翠花胡同進紅牆缺口。在北河沿直攻南河沿。一路入東華門。直攻南河沿。該處係逆勳巢穴。防禦極嚴。攻取亦頗艱難。當攻擊之際。槍彈如雨。死亡相繼。大有攻擊不破之勢。適王君建忠（原印天縱）親奉其部下。並指揮南苑軍隊。架設雲梯。復從紅牆對正勳宅之處。穿透三穴。即用槍炮直射逆宅。該宅立時火烟冲天。辮軍四竄。而南河沿復完全收服矣。又一路由後門東西夾道。兩面射擊。景山砲地。第三師則由宣武門攻入中華門。而辮軍在天安門及中央公園者。地勢既佳。抵抗甚厲。某師一

巨砲轟毀天安門樓。屋瓦皆飛。辦軍胆落。飛機兩架。又復回翔空際。施放炸彈。張勳知大勢已去。于宅第被焚前數分鐘。由荷蘭公使。用汽車接張勳暨其眷屬入荷使館避難。炮聲仍繼續不絕。於是共和軍總參謀曲君同豐乘汽車分馳各軍。傳達張勳敗逃。停止攻擊之命令。所有南河沿及天安門之辦軍。均押赴中央公園。剪髮投誠。旋監視于警察廳。至午後三時。秩序得完全回復。是役也。近畿各師。戰爭猛烈。陸軍成績。尤以第一第三第八第十二各師及模範團等軍隊。戰鬥最力。足征吾國陸軍。大有一日千里之勢。不特辦軍胆寒。即觀戰之外人。亦嘖嘖稱羨不已。尤可稱者。街巷猛戰。槍砲齊鳴。使館外人。一無波及。又足徵命中有的。彈不濫施。其他如警察保安各隊。亦均不畏生死。克盡厥職。故雖謠言紛紛。土匪躍躍。終懾于軍警之威。未敢稍事搶擄。此種不幸中之幸。誠軍警維持之功。亦我國軍警之一大榮光云。至是十日以來。優孟衣冠之復

辟已完全拂盪。而共和故物。仍還我民國國民。吾人至此。誠不能不感激合肥。而垂念其再造共和崇功于無既矣。彼反對合肥者流。猶謂其先縱後擒。居心攘奪權利。不知當復辟之際。中央顯官。外疆大吏。謝恩稱臣。招賀贊頌者。實頗有徒懸旗結彩。設案跪祝者。又不止直吉京兆等處。使無合肥振臂反對。稍遲數日。則各省之附合雷同者。不知凡幾。而已贊成者。亦不知反顏變計。合肥亦必獲公侯之爵。順水行船。以假成真。大清帝國。必告成功。即使人心不死。反抗有人。而成敗殊不可必。假令反抗得力。民國再造。又不知待至何年。流血幾斗矣。

當六號兩軍之戰于豐台一帶也。南苑航空學校長秦國鏞。決意助戰討逆。以彰空軍之力威。而勵前敵之士氣。遂命學員潘世忠。尉遲良等。于七號午前。馭機炸擊皇城。以謀根本之驅除。該員等馭機入城。拋炸彈三枚。均落皇宮。炸斃

太監與夫畜犬各一。傷供差者多名。炸爆聲烈。清室肅寒。而張勳等正值御前會議。因之越席竄逃。十二號進攻北京。兩軍鏖戰之際。飛機二架。翔空助戰。並拋彈炸擊張宅。成績昭著。收效甚偉。此開我國空軍助戰之一紀元。特誌之以彰其功。俾國人注意于飛行事業云。

### 第八節 辦軍之處置及逆黨之嚴拿

天壇之辦軍揭旗投誠。南河沿天安門之辦軍。亦皆收服監視。此等逆徒。本應處死。合肥念彼蠢物。概皆盲從。不能不網開一面。放其生還。乃每名給洋十八元。押送原籍遣散。各安生業。北京之辦軍處置完畢。而徐州老巢之辦軍甚夥。亦急待收服。合肥乃命南路司令倪丹忱張敬堯。設法改編。分別統馭。而辦軍統領及徐淮鎮守使張文生白寶山等。均深明大義。先後遵令改編。其中雖少有譁變。旋經撲滅。而徐州之辦軍。亦得完全處置矣。茲將張敬堯編遣辦軍防

禦生變之電文及大總統命令列左。

張敬堯之通電 萬急南京馮大總統段總理徐東海先生熊秉三先生  
鈞鑒陸巡閱使各省督軍省長並轉各鎮守使各師旅長各都統各護軍  
使孫中山岑西林孫伯蘭唐少川諸先生海軍薩總長程總司令覓轉各  
司令各艦長報館公會申報時報新聞報時事新報神州日報並轉滬上  
各報館李協和先生各部總長吳總監江步軍統領陳督練蔡師長順天  
時報北京日報並轉京師各報館豐台東路段總司令西路曹總司令范  
師長李師長大公報雋南報益世報並轉天津各報館新聞報中西日報  
並轉漢口各報館公鑒張勳叛國同聲撻伐北京時局不難指定惟徐州  
是逆巢穴張軍駐紮甚多或剿或撫宜籌良法現由總統總理簡任安徽  
倪督軍爲討逆軍南路總司令以敬堯爲副司令並奉命即派餘師混成

一旅進駐商邱從事防堵良以有鑒於往昔編遣軍隊動啟釁端流爲盜匪地方秩序實受其害審失事預防以重兵周防預境並聲援倪軍俾得早日編遣就緒以收拾殘局如將來逆軍萬一有不受編遣或竄爲盜匪等情敝師定當竭力征剿以安民庶現敬堯已移駐鄭州並派旅長田樹勝移駐商邱藉資鎮懾祇求早靖大氛使人民得安生業辛勤跋涉皆所不辭謹佈區區特電通聞南路副司令第七師師長張敬堯叩真

大總統令

張勳叛國該軍各統領原駐防所未經隨同入京事前當未與謀順逆所在各應曉然著將該軍隊改歸倪嗣冲節制並著察看情形果明大義不予株連倘或觀望抗違國法具在決難曲貸將此傳令知之此令

大總統印

國務總理段祺瑞



中華民國六年七月九日

當辯軍連戰皆潰。竄回北京也。逆黨知大勢已去。無力挽回。乃相繼逃亡。康有爲張鎮芳雷振春馮德麟梁敦彥等。均於七月九號改裝剃鬚乘京奉火車。逃出都門。車抵豐台。張雷二逆。均醜伏于三等車隅。致被駐豐之共和軍查出。立即捉獲。旋押送天津總司令部。同日馮德麟亦在津站被獲。獨康有爲未得就擒。致使落網。亦遺恨也。茲將嚴拿張勳及處置雷馮張等逆之命令列左。

大總統令

長江巡閱使安徽督軍陸軍上將張勳久膺民國重寄。不知竭誠自効。阻兵怙勢。包藏禍心。此次藉命入都。陽託調停之名。陰行叛逆之事。動搖邦本。淪陷神京。罪惡貫盈。敷天同憤。張勳應即褫去本職。並褫奪軍職勳章。勳位著傳知前敵各軍。嚴拿務獲。盡法懲治。以申法紀。而快人心。此令。

中華民國六年七月六日

國務總理段祺瑞

大總統令

雷震春張鎮芳馮德麟背叛皆共和逆迹昭著均著卽行褫奪官職暨勳位勳章分交法庭依法嚴懲以申國紀而儆姦邪此令

此次復辟。從事逆謀者甚夥。除馮張雷被獲外。張勳則逃亡荷使館。正在交涉。尙未引渡。康有爲萬繩杖胡嗣瑗等。均各在逃。猶待躡緝。此等叛國逆徒。純屬罪犯內亂。害國擾民。全國共憤。是不得不企望我執法諸公。破除情面。處以極刑。以申國法。而快人心。並使永絕後患。其他如首鼠兩端。心實騎牆。復辟之際。並不掛冠求去。日日入值稱臣。今則登報洗刷。託言被迫之輩。尤望各予處分。用收撓薄之人心。俾世人知所警惕焉。

## 第九節 大局之結束

討逆軍總司令合肥段公。既指揮共和軍攻進北京。致勳逆逃走。辦軍降服。首都秩序。急待回復。善後事宜。又須籌措。乃於七月十四日。携湯化龍梁啟超諸要人。晉京。商民額手相慶。懸旗歡迎。該各部長。依次就職。火車開通。商旅來都。數十日。京師慘淡之景况。立變樂觀之氣象。而鎗丸砲彈餘生之商民。至此始稍安衽席矣。合肥復豁免商捐數月。以復元氣。撥款數萬。以濟難民。都市商民。誠受惠匪淺也。

匪氣掃淨。合肥入都。組織內閣。而黃陂仍駐節日本使館。未幾亦歸東廠胡同私邸。河間馮公電辭代行職務。請黃陂復任。合肥亦親往勸駕。黃陂灰心仕路。引咎自責。辭不復任。旋又赴法醫院養病。以表示堅辭之意。一面並通電表明心跡云。茲將黃陂表明心跡電文列左。

黎大總統電 萬急南京馮大總統武鳴陸巡閱使各省督軍省長議會

各都統各護軍使各鎮守使各師長各埠報館瓊州龍督辦導河馬提督  
岳州吳司令成都劉將軍重慶羅將軍天津徐菊人先生梁任公先生熊  
秉三先生湯濟武先生各報館上海薩總長程總司令唐少川先生章太  
炎先生各報館廣東孫中山先生李協和先生京津抄送段總理前路各  
司令均鑒寒電計達頃聞道路流言頗有於總統復職之說竊加揣擬者  
驚駭何極元洪引咎辭職久有成言皎日懸盟長河表誓此次因故去職  
付託有人按法旣無復位之文揆情豈有還轅之理伏念元洪夙闕裁成  
叨逢際賞求治太急而躓於康莊用人過寬而蔽於輿兒追思罪戾每疚  
神明國會內閣立國兼資制憲之難集思尤貴當稷下高談之日並沙中  
忿語之時縱殫慮以求平尙觸機而卽發而元洪揚湯弭沸膠柱調音旣  
無疏濬之方竟激橫流之禍一也解散國會政出非常縱謂法無明條鄰

有先例然而謹守繩墨昭誓山河願以懼民國之中殤竟至拂初心而改選枯蘆縮水莫遂微忱寡草隨風卒墮持操二也張勳久蓄野心自爲盟主屢以國家多故曲予優容遂至乘瑕隙以激羣藩結要津以徼明命元洪雖持異議卒惑羣言旣爲城下之盟復召奪門之變莽蜂螫指引虎糜軀三也大盜移國都市震驚撤待衛於東堂屯重兵於北闕元洪久經賊浪何畏獯鬻顧憂大廈之焚欲擇長城之奇含垢忍辱貯痛停辛進不能登臺授仗以殄凶渠退不能闔室自焚以殉民國縱中興之有託猶內省而滋慙四也輕騎宵征擬居醫院暫脫身於塞庫欲奮翼於澠池迺者闔人不通偵騎交錯遄臻使館得免危機自承複壁之藏轉懷堅冰之懼亦旣宣言公使早伍平民雖於國似無錙黍之傷而此身究受羽毛之庇五也凡此愆尤皆難解免一人叢脞萬姓流離觀鋒鏑而慟傷兵聞鼓擊而

慙宿將合六州而莫鑄投四裔以何辭萬一矜其本心還我初服惟有杜  
門思過掃地焚香磨濯餘生懺除夙孽寧有辭條之葉仍返林柯墜瀾之  
花再登茵席心肝尙在面目何施且夫謀國必忠愛人以德琴弛則絃改  
車覆則軌遷若必使負疚之身仍尸高位騰嘲裨海播笑編氓將何以整  
飭紀綱折衝樽俎稀瓜不堪四摘僵柳不可三眠亡國敗軍又焉用此抑  
元洪尙有進者國定於一師克在和當興亡繼絕之交爲排難解紛之計  
正宜恪守法律蠲棄猜嫌况馮總統江淮坐鎮夙得軍心段總理鑿笠不  
驚再安國本果能舉右挈左提之實寧復有南強北勝之疑至於從前兵  
諫各省風從雖言愛國之誠究有潰防之慮此次興師討賊心迹已昭何  
忍執越軌之微瑕詭回天之偉績兩年護國八表齊功公忠旣已同手法  
治尤當共勉若復絜短衡長黨同伐異負嶠可到而使之反風宣房欲成

而爲之決水茫茫慘黷豈有寧期鼎革以還政爭迭起凡茲兄弟鬩牆之事皆爲奸雄竊國之資倘諸夏之偕亡詎一成之能藉殷鑑不遠天命難護此尤元洪侍罪之軀所爲垂涕而道者也勉戴河間奠我民國慙魂雖化枯骨猶生否則荒山越巒縱薰宐以無歸窮海田橫當投荒而不返據誠感聽維以告哀元洪塞

黃陂既表示絕不復任。而大局粗定。主持無人。各省乃一致電請河間依據約法北上就任。河間辭之不獲。慨任艱巨。嗣因東南之不靖。並南京諸事收束之繁累。遲至八月一日。始由南京起節。二日安抵京師。都中懸旗致賀。大事歡迎。各部長如湯梁汪劉林范曹張諸君。相繼正式任命。現均就職視事。德奧宣戰。已經公布。參院議員。籌備招集。內政刷新。外交振色。民國自茲。日臻上理。海內君子。果其愛國之真心。丁此時局。當屏除黨見。一致對外。戰勝之餘。併肩列強。

張勳穢史

亦吾國無量之光榮也。

終





中華民國六年九月出版



著者

孤竹理奴

發行者

代售處

北京各省  
各書莊

全一冊定價大洋五角

1178

112324

J424